



慶湖遺老詩集



一冊全

慶湖遺老詩集序



慶湖遺老者越人賀鑄方回也賀本慶氏后稷之裔太伯始居吳至王僚遇公子光之禍王子慶忌挺身犇衛妻子迸度淞水隱會稽上越人哀之予湖澤之田俾擅其利表其族曰慶氏名其田曰慶湖今為鏡湖傳訛也漢孝安帝時避帝本生諱改賀氏水亦號賀家湖馬家牒載謝承會稽先賢傳叙略如此唐代既頒勳格百家圖譜併為煨燧元和中林寶集著姓纂臆謂賀氏慶封之後非是按

唐書言集序  
封叔專齊政田氏患之聚三族甲環其宮而夷其  
族封僅身免走魯曾遷吳卒被屠戮安有遺種哉吾  
家特會稽一族他州之賀蓋賀蘭賀若賀跋賀婁  
賀魯賀葛賀賴賀述賀兒賀略孤吐賀諸姓省焉  
鑄十五代祖迺秘書外監之後祖弟諱知止少味  
老易躬耕不仕開元末興崇玄學本道三以道舉  
薦送不赴會有闡於朝者起家拜上虞丞秩滿試  
任城令時李翰林白寓游是邑與公相從於詩酒  
間謔其美政書公堂之壁後人鑿詩石今或存焉

久之遷陽穀令卒官民懷其惠遮留器車不得時  
發曰權窳縣之北原三孤即壠為廬免器按安史  
之亂縣又改隸東平尋為李正己巢據之寢用非  
法游民浮房禁不聽還伯仲定居陽穀俾季陰歸  
會稽以持先業皆力田自潔不復為仕宦計季實  
吾祖也歲一北走省展存歿且自誓約生雖居  
死當祔骨先壠之次逮七世孫遵約不墜後屬董  
昌盜越民罹其毒因棄業北遷合族焉國朝緣外  
戚賜第開封隆和里六代祖廣平王始別葬於後

儀固子攸之原高門平州府君受命北征即誥其  
家嗣曰吾家本慶氏昔王子嘗寓於衛而子必以  
舊氏名之吾死必封樹衛郊示不忘本府君竟死  
事朔野曾門以衰毀廢千家但名其子而重誥之  
天聖初大門揔北道坳牧之正遂卜府君之新阡  
於衛屬邑共城東原仍徙貫焉行先志也鑄少有  
狂疾且慕外監之為人顧遷北已久嘗以北宗狂  
客自況今寢老且疾念歸何時而亟更舊稱者亦  
首丘之義耳鑄生於 皇祐壬辰始七齡蒙先子

專授五七言聲律日以章句自課迄元祐戊辰中  
間蓋半甲子凡著之槩者何啻五六千篇前此率  
三數年一閱故槩為妄作也即投諸煬竈灰滅後  
已者屢矣年髮過壯志氣日衰落吟諷雖夙所嗜  
亦頗厭調聲儷句之煩計後日所賦益寡品未必  
工於前念前日之爨燼為妄棄也始裒拾其餘而  
繕寫之後八年僅得成集以雜言轉韻不拘古律  
者為歌行第一卷以聲義近古五字結句者為古  
體詩第二第三第四卷以聲從唐律五字結句者

為近體五言第五卷以聲從唐律七字結句者為  
近體長句第六第七卷以不拘古律五字二韻者  
為五言絕句第八卷以聲從唐律七字二韻者為  
七言絕句第九卷隨篇叙其歲月與所賦之地者  
異時開卷回想陳迹喟然而嘆莞爾而笑猶足以  
起予狂也倘夢境幻身未遽壞滅嗣有所賦斷自  
己卯歲列為後集云丙子十月庚戌江夏寶泉監  
阿堵齋序

慶湖遺老詩集序

慶湖遺老詩集目錄上

一卷 歌行

叢臺歌

壺城三詠

江南曲

東華馬上

舟次金陵寄王掾

艤舟秦淮訪侍其瑤

寄墨贈楊時

黃樓歌

漁歌

三鳥詠

廣四愁寄李諶

贈道士蹇拱辰

留別僧訥



留別道士許自然 贈趙汾

留別田晝 調劉生

荅靳生 亡女哀辭

老鶴歎 送王尉赴武康

送周守還朝 送僧還吳興

荅許景亮 贈僧孚

送章邦傑移家包山

題漢陽招真亭 晚出江城聞角

寄漢陽趙尉 送武庫歸隱終南

送王掾還海陵山 玉鈎環歌

南樓歌送慎守還朝

題潘氏亦顏齋

二卷 古體上

故鄣 喜雨

老槐 過鼉掾

春行 對酒

閨情二首 題巫山圖

詛蚊 燭蛾

病暑

暑夜

問內

食芡實

烹雞嘆

題華陽公主碑陰

題蘭陵王碑陰

邯鄲郡樓晚望

谷杜仲觀登叢臺

冬夜寓直

送武欽宗廟諱之安陽

寄杜邯鄲

訪周沅郭忱

除夜歎

寄杜仲觀

游雲龍張氏山居

登黃樓懷蘇眉山

秋懷二首

燕子樓

快哉亭

飛鴻亭

登快哉亭

讀李益詩

田園樂

此日足可惜

部兵之狄丘

游南臺

夏夜懷寄傳道

三卷古體中

和張謀史游石佛山

夜行鄒縣道中遇雨

行路難

送寇元弼王文舉

人生七十稀

和杜仲觀音字詩二首

送李主簿四首  
擬獨杵搗衣

擬夜中不能寐  
擬寒宵歎

游雍丘燕溪  
擬王少伯

送陳傳道之下邳  
東畿舟居阻雪

留侯廟下作  
游靈壁蘭皋園

題王輅故居清軒  
游金陵雨花臺

宿法惠寺  
題香社寺湯泉

宿慧日寺  
懷寄玉閣叟

腰疼山浮圖下作  
登栢子岡懷寄泉師

歷陽十詠

四卷 古體下

三山  
望夫石

題烏江湯泉  
罷官有期寄朋好

檣舟秦淮  
金山游

望焦山  
金山夜集招米芾不至

留別黃材  
題無心菴

和錢德循寓懷  
題安上人北軒

感庭棗

送趙子億之官滄州

夏夜雨晴遣懷

寄題名嘉亭

游盱眙南山

酬別杜輿

留別龜山白老

題棲雲菴

寄題周氏漁溪艸堂

送周壽西上

題陶靖節集後

補感遇詩

黃鶴樓

鸚鵡洲

懷寄周元翁十首

題鄭判直節亭

題潘大臨東軒泉石

送陳令移官吳郡

和潘邠老漢上屬目

五卷 近體五言

雨餘晚望

目訟

待曉朝謁天慶

送李易初還汝陽

重送

春書

擬溫飛卿

快哉亭寓目二首

題張氏白雲莊

賦得枕上聞雁

和人游白雲莊二首

早夏

辭酒

送陳傳道攝官雙溝

游滕縣時氏園亭 自鄆還徐道中

早發王村道中 暮投葛墟馬上

汴渠夜泊 舟次宋城

京居感興 玉津晚歸馬上

西城有懷 苦竹村南馬上

題諸葛洪田家壁 酬桂林從姪

寄趙令髦 懷寄潘孝本

送張商老 題烏江鄧氏亭

懷潘景仁 宿田家

游真如寺 之香林馬上

題丘氏歲寒亭 送左禹赴江夏尉

高望道中 湯泉道中

留別王掾 棧舟當利口寄朋游

重別王掾 投宿清涼寺

懷寄王掾 秦淮夜泊

游艸堂寺 酬別彥上人

易官後呈交舊 懷王掾

廣津門東馬上

久病寄親友

秋夜聞雨晨興偶書

謝米元章見過

留別米雍丘

寶應夜泊

題淨名齋寄米元章

龜山晚泊

舟居卧病寄和上人

泊臨淮懷杜修撰

舟發金陵望歷陽作

江行寫望

郎官湖

題寶泉官舍壁

江夏寓興

寄潘幽老

送陳主簿歸越

送金壇慎令

寄題杜子師草堂

慶湖遺老詩集目錄上

慶湖遺老詩集目錄下

六卷 近體七言

懷金明池游賞

贈張士元

雨晴西郊寓目

寄周文清

寄王岐

和荅鄭郎中見寄

和田名義詠雪

和田錄事新燕

冠氏縣齋書事

冠氏寺居書懷

題張氏放鶴亭

九日登戲馬臺

九日呈李成父

題南臺寺蘇公詩後

春懷

登快哉亭有屬

和王生悼歌人

送客還馬上

送陳傳道攝雙溝戍

送周主簿移黃令

寄題李備官舍東齋

病後登快哉亭

送李錄事謝病南歸

留別李智父

答陳傳道

懷寄寇元弼

招寇元弼

答王文舉

題淵明軒

將發彭城

留別張謀父

留別寇應之

邂逅周元通贈別

寄題陳氏步雲亭

題永誠縣園水亭

寓泊永城招李深

送畢彥祖之京師

將發永城留題李氏

京居春日遣懷

送趙令時之官陳州

懷李易初

酬令率惠墨

簡李公年

尋王荆公陳迹

答孫休

春懷

送潘景仁之官嶺外

宿清涼寺

荅王拙見寄

七卷 近體七言

寄別僧芝

寄白雲菴主

追懷從禽之樂

懷京都游好

晚望懷故園

望金陵作

烏江東鄉往來馬上

送潘瑤移令歸東魯

再送潘仲寶

九日懷京都舊游

戲荅張商老

題定山寺壁

泛江訪別曹解

懷曹夢得

宿芥塘佛祠

送畢平仲

廣聖寺虛樂亭

烏江北道中

烏江汎舟

夜泊黃泥潭

棹舟當利港

放舟下江寄王元胥

渡江懷寄二友

訪王閑叟不遇留別

題金陵長干寺塔

題天慶觀鍾阜軒

再酬訥師

阻風白鷺洲招訥

晚泊長蘆有懷

上巳晚泊龜山

揚州叙游

和錢德循書懷

席上呈德循

上元有懷

送周元通昆仲官蜀

夢游金陵設臺故基

寄和上人二首

寄李趙二友

呈李之儀

贈張之才

病歸山陰酬別交舊

舟次淮陰呈邑令

高郵舟居對雪

留別王景通二首

舟次廣陵懷寄交舊

茱萸灣晚泊

題杜仲觀遺編後

八卷

絕句 五言

六言附

感興六首

懷寄寇元弼十首

重經舊游

題画扇二首

荅陳傳道五首

擬詠安仁得果

和王文舉玉臺體

夢後聞蛩

寒宵歎

春晚樓上

和別館初夏

和秋日十詠

和愜二悠二二首

長安在何許二首

寄懷和上人二首

梅花寄和上人一首

送僧西上

懷寄彭城朋好十首

和錢德循古意二首

送王樞出鎮鄭圃八首

題海陵寓舍二首

追和古黃生曲三首

京居感興五首

和郎官湖懷古五首

江夏八詠

變竹枝詞九首

題画卷後二首

九卷

絕句 七言

清燕堂

北園初夏

秋風登城樓

初見白髮

局中歸

野步

和四時田家詞四首

西城馬上

再游西城

東城送客

魏城東

懷寄馮惟逸

懷寄杜邯鄲

僧居對雨二首

再涉南羅渡

金堤客舍望南樂城

過被水民居二首

離冠氏道中

冬夜懷寄周郭

病告中答王錡見招

棧舟廣津門外

晚泊會亭

題承天寺竹軒

楊柳枝詞二首

憇永城王氏園

分題寄陳傳道

周村驛觀吳公題

九日答張謀父見招

九日張謀父席上

發斜溝寄王有元

泊舟寄京都朋游

題陳伯儁蒙軒

京居暮春感興二首

春夜對月

游夷門資福佛祠園

夕醉口號

汴下晚歸

陳留道中

過曹氏園

和人傷春

重賦京居暮春感興

送人朝饗 裕陵

登興國寺樓

李氏池上

游莊嚴寺園

黃埭魏氏見江亭

題贈芥堂老僧

茅塘馬上

阻風小孤山晚晴

題漢陽寓舍老秦

秋江晚望

和吳連夫留題 題詩卷後

慶湖遺老詩集目錄下

慶湖遺老詩集卷一

歌行三十九首

叢臺歌

按邯鄲縣譜叢臺趙武靈王築起  
地三百尺今故址猶十仞在縣中  
東北隅元豐辛酉七月同邑令濮人  
杜儼仲觀登杜先有此詩要余同賦

累土三百尺流火二千年人生物數不相待推頽

故址秋風前武靈舊壠今安在秃樹無陰困樵采

玉簫金鏡未銷沈幾見耕夫到城賣君不見叢臺

全盛時綺羅成市游春暉一沒瑤輦閉荒草蕭散

行雲無復歸韶魂想像風流在暗華露萼猶依稀



盤紆棘逕撩人衣禾黍晚成貂貉肥層簷碧瓦碎  
平地夢作鴛鴦相伴飛登臨吊古將語誰城郭人  
民今是非指君看取故時物南有清流西翠微仿  
徨華表不忍去豈獨遼東丁令威

黃樓歌

熙寧丁巳河決白馬東注齊宋之  
野彭城南控呂梁水滙城下深二  
丈七尺太守眉山蘇公軾先詔禁旅發公  
廩完城堞具舟楫拯溺療飢民不告病增築  
子城之東門樓冠其上名之曰黃取土勝水  
之義樓成水退因合醜以落坐客三十人皆  
文武知名士明年春蘇公移守吳興是冬謫  
居黃岡後五年轉徙汝海余曰賦此以道徐  
人之思甲子  
仲冬盡城作

君不見熙寧丁巳秋靈平未塞河橫流澶漫勢欲  
浮東州斯人坐有為魚憂當時賢守維蘇侯猷術  
不取三犀牛跨城豈堯起黃樓五行相推土勝水  
翼作鼉驚走鞭箠三丈渾流寢清泚南來船車鷁  
啣尾使君登覽興如何舞劍吟箋賓漫多水平照  
影見鴈下山空蒼響聞漁歌樓下汀洲長芳草一  
麾南出彭門道昨日春游詠白蘋後夜秋風悲鵬  
鳥黃岡汝海心悠哉青衫白髮多塵埃采菱伎女  
今何在騎竹兒童望不來望不來碧雲明月長徘徊

徇

彭城三詠

元豐甲子余與彭城張仲連謀父東萊寇昌朝元弼彭城陳師

仲傳道臨城王適子立宗城王批文舉采徐方陳迹分詠之余得戲馬臺斬蛇澤歌風臺三題即賦焉戲馬臺在郡城之南斬蛇澤在豐縣西二十里歌風臺在沛縣郭中

秦蛇已中斷劉項方龍戰叱咤沮風雲睚眦走霆

電鴻溝一畫天地開楚王洗劍東歸來新都形勝

控淮泗籠山絡谷營高臺重瞳登覽何為者不知

招賢知戲馬上如激矢下投丸蘭筋霜腕便聲回

盤半夜悲歌難不逝明日陰陵行路難驂北三千

關

歸漢間粟豆尤聞蠹縣官君不見華山之陽古垆

牧春風吹草年二綠

右戲馬臺歌

君不聞泗濱亭長送徒如咸陽徒夫懷歸多道亡

澤中置酒飲相訣吾亦從此犇芒碭陰風蕭蕭導

者懼前有修蛇怒橫路酒酣拔劍肯留行劃斷蜿

蜒不回顧河明月出人踵來彼媪何冤號且哀謂

遭赤子屠吾子語竟莫知安在哉真人聞此自心

許茫々四海吾其主虎變龍飛十二年馘項集英

蓋狐鼠半夜雄銜飛上天幾見長陵一杯土

右斬蛇澤歌

漢祖高風百尺臺千年客土生蒿萊何窮人事水  
東去如故地形山四來江淮猶沸鯨鯢血八十一  
車在歸轍白首逢迎皆故人牢酒歡呼惜將別嶠  
澠迢遙非我鄉死生此地何能忘酒闌鳴筑動雲  
物青衿兒曹隨抑揚爾時可無股肱良端思猛士  
守四方君不聞淮陰就縛何慨慷聲解道鳥盡良

弓藏

右歌風  
臺詞

漁歌

甲子十二月張謀父陳傳道王子立  
會於壺城東禪佛祠分漁樵農牧四  
題以代酒令  
余賦漁歌

嚴公桐江上呂父清渭濱出處而能事寥々乎若  
人擁蓑苙笠吳儂子身偶一竿生寄水侯庖富饌  
羨鮒鱸寸鬣分鱗辱刀几吾將一鉤懸十捷笑倚  
扶桑不計年鯤鯨懷餌脫相得坐使東南飲食鮮

江南曲

乙丑三月壺城  
分題得江南曲

游倡寡杜若別浦鴛鴦落向晚鯉魚風客櫓  
泊當時桃葉是新聲千載長餘隔水情烏衣巷裡  
人誰在白鷺洲邊草自生

三鳥詠

元祐戊辰三月之官歷陽石磧成  
日從事於田野間始聞提壺竹雞

子規三鳥其聲殊感人  
因賦之以寄京東朋好

綠野帶江春漠漠  
露濕花萼朝暮薄  
年芳晚晚欲  
辭人啼鳥慙慙勸  
行樂提壺真起予  
十千美酒當  
贖沽金龜寶貂家  
所無持底可過黃公  
壚調官東  
來今幾日謂有公田  
宜種秫朝廷未除私  
釀律安  
得一試焦革術提壺  
鳥嘆吾與爾皆悠  
悠君不見  
長安兩市多高樓  
大書酒旆招貴游  
脫聞提壺鳴  
樹頭論槽買甕更  
平獻醜庶幾此  
聲知所投胡為  
南鄉長滯留端使  
北宗狂客  
北宗狂客方  
回自號也羞  
右提  
壺引

東南澤國陂塘潤  
旱歲少逢晴五月  
田間畫喜雨  
冥冥竹下雞啼泥  
滑滑而予不耕陂  
下田臯驅  
馬揮長鞭稻塍微  
茫絕復連如躡鏡  
面流鮫涎植  
蹄沮洳不敢前何  
暇顧惜青連軋竹  
雞鳥汝幸飛  
翔羅罽外安知此  
塗吁可畏雄雌更  
平鳴方自慰  
汝不能言臆為對  
君不見日圍赫赫  
是長安大明  
宮闕開雲端雞人  
唱漏辰三刻左右  
相君朝謁還  
前騶誰敢干後乘  
不可攀飄飄青蓋  
望已遠綠槐  
陰下沙堤間長堤  
千步沙漫漫風不  
驚塵雨亦軋

君能馳騫此其所何事江鄉行路難

右竹  
雞詞

長江靡迤山坡陀旅竹荒松蒙蒿蘿蠶初眠起風  
日暖梅弄黃時煙雨多山間有逕行逶迤倦客據  
鞍生睡魔奈爾思歸啼鳥何子規鳥不如歸去好  
誰家西北最高樓幾為主孫怨芳草子規憐爾解  
歸飛我獨何心長不歸十年迹絕蘇門道夢裡舊  
游知是非一官竊食官倉米十口之家飽而已金  
印錦衣耀閭里少年此心今老矣問舍求田從此  
始

右子  
規行

東華馬上懷寄清涼和公兼簡社中王抄居

士

東華在歷陽郡北八十里隔江與  
金陵相值王字閻叟己巳十月賦

雞鳴紉五鼓驅馬東華路月落潮上時雲披日生  
處搖之漁艇子挂席凌江去送目思悠然橫槩聊  
一賦鴻鴈南飛江北流亭亭雙塔是昇州前朝物  
色今何見白鷺平沙接石頭石頭城上清涼國中  
有彌天大比丘右軍遠孫傲時者巾鉢久從蓮社  
游吾亦明年及瓜代一菴見寄外何求

廣四愁寄李諶

李字智父時為白馬從  
事庚午七月歷陽賦

層應雪

夜如何其夜未央斗星燦兮河蒼涼微月入牖窺  
曲房候蟲刺促鳴我床離憂歛來煎人腸夜如何  
其夜何長綠琴在薦兮擬楚奏之沈湘朱絃濕露  
兮聲戾指而不揚并琴浩歌兮屑涕泗之浪浪我  
有所思兮在河之陽儼而不見兮哀難弭志駭驥  
騰躍兮鴻鵠翱翔明璫玉案兮爾不我將緘誠結  
惠兮久莫汝償永如牛女兮南北相望昔燕處兮  
靈芸之堂紉蘭為佩兮集芰為裳西風淒緊兮凌  
百草以殞黃蘭萎芰裂兮恐被服之不芳念汝玉

立兮賤組繡之文章玄節日厲兮奈慘懷之冰霜  
胡不乘白雲兮歸來乎帝鄉尚何所後兮畢永歲  
而徜徉

舟次金陵懷寄歷陽王掾相

王字元香庚  
午十二月賦

昨時江北望江南把酒離愁已不堪今夜江南望  
江北抵掌清談安可得歷湖白下非吾鄉官身俗  
眼禁人狂後日扁舟更西去江北江南兩何處

贈道士蹇拱辰

嘗觀妙手御風圖想像斯人世所無今識黃冠葆

光子爽氣飄飄畫不如岷峨東來九千里眼飽高  
山与流水乘春更擬訪天台晨肇當年偶然耳葆  
光子胡為乎鼎中龍虎煉成寶筆下鬼神驅作奴  
須君且置是等事三復玄元皇帝書

艤舟秦淮雪中訪侍其瑞

侍其字服之庠  
午十二月賦

北風破雨初成雪齋舫蓬窓吹紙裂籃舁觸冷訪  
圓廬得把一杯聊耳熱人生自適待何時矧君与  
我皆衰遲會待晴天暖風日杖藜同赴北山期

寄墨代書贈楊時

楊字中立  
為南康刑獄掾  
友也  
康午十

二月金陵偶便  
因以詩墨寄之

徂徠雪壓蒼松顛淪膏根柢蟠蜿蜒樵斤翦析石  
火爇曲突百步凝梢煙蒲萄秋顆累二懸海膠九  
煉堪續弦力擣万杵臼欲穿劑成圭璧隨方圓點  
漆比色石比堅坐令李韋羞居前陳臺潘谷老且  
賢授唯識者不計錢是翁解化如蛻蟬後可繼此  
無聞焉付君一圭款識全保護謹密何千年君家  
清風宜世傳不特談玄須草玄

留別僧訥

辛未正月  
金陵賦

冗從西班誰比數牛僧馬醫猶爾汝詩解窮人未  
必工苦調酸聲效梁父滎陽道人方外交謂我有  
言退屈騷驪珠不惜彈黃雀狗尾何堪聯晉貂秦  
淮潮上扁舟發後日相思一書札千里同風了了  
然人間無處無明月

留別道士許自然

自然山陽人喜談老易  
早為荆國王公所知嘗

被召對於延和殿賜號  
籍未幾謝病來茅山辛未正月相逢於金陵  
求余詩  
因賦此

東晉高賢許遠游裔孫今不墜風流還有臨川王

太傅每思與語即登樓浮名何啻如雲薄鍾鼓爰  
居非所樂漱石枕流知善謔友月朋風差不惡吾  
亦塵間無所求終期采藥棲羅浮異日歸來遼海  
鶴不見人民見城郭

贈趙叅軍滂

趙字沛然工書得鍾王  
楷法辛未二月高郵賦

髯叅軍髯叅匄平昔相好書相聞妙兼八法嗤五  
雲一字僅課三年勤春回玉樹生蘭筋驂騮氣壓  
千羸羣庾家之雞安足云君子硯漁而筆耘欽宗廟諱扇  
兮羊羣奈何不書藥珠秘錄之真文寶厨鈿軸緘

靈芸閨居清絕無世紛誰其觀者紫陽君後日人間偶流落猶得標題持鍵鑰

留別田畫

田字承君始名至明字君義元豐初涇陽同官也辛未二月避

迨於高郵因賦此以贈別

君家陋巷一尺泥吾車有輪馬有蹄犯寒踏雨重  
相過明日扁舟吾遂西回首邯鄲迹如掃離索十  
年成潦倒兔葵燕麥春日妍蟬腹龜腸氣方飽雲  
逵宵三謝攀躋長鋏與人還故樓異時結駟來南  
畝耕者老夫鋤者妻

調北鄰劉生

辛未六月京師賦時將為衡陽之行

荒園老墻百堵破北鄰劉子南鄰賀今兩相望不  
相過端怯衡陽芒屨澹吾庖無魚未必餓晏飭糠  
覈煩脾磨吾牀何容凡物坐書為睡媒即牀卧彼  
子劉子何所作佐方學商聲哦楚些細君曼瑟與  
之和相忘之樂在江湖最靈者人情不無此日可  
惜難再圖秋風西來莫挽吾後日相思幾千里書  
不盡言徒耗紙

荅靳生

生名馳嗜酒而狂自號為酒隱翁壬申正月遣人持兩詩見投日索

具報因賦此

軒之陸士龍卓之荀鳴鶴雲間日下逢此段殊不  
惡方君嗜狂藥而吾窮病縛相望不相過賦詩聊  
爾謹知君酒隱慕先賢誰何合作佐飲中仙金陵  
妙唱丹砂絃當日新聲傳不傳莫學滄波弄雲月  
老鮫哆口饒流涎訪吾之居在何許春明門東大  
道邊青鞵布鞵不妨步何待東家蹇驢乃著鞭我  
屋真無坐客擅蒲團檉几共蕭然闔雞走狗春風  
顛付与垣東惡少年

亡女勝璋哀辭

適汝陽郡氏子彥修三年而死甲戌三月海陵賦

百病沈頓彌兩年何圖壯女死我先失聲忍號氣  
室咽淚如綆縻汲九泉嗚呼尚敢尤諸天託非其  
人死失所父孱母噉猶棄汝吞辛咀楚申何許萎  
萋殞英春不主嗚呼萬古為冤土

老鶴歎

海陵蘇氏即居之南鑿小池以畜雙鶴甲戌夏旱池涸如陸是鶴飢

立庭除間主人莫郵也因賦詩以嘆之

華表華表歸來乎出無車食無魚懿公之遇難再  
圖卑棲俛啄同羣雛誰謂嵇氏子不孤強顏市井

交屠沽巨源密啟亦已疎衛侯既不可作道林今  
也則無露鳴風舞何區區風夜供君耳目娛西山  
二子飢相似南國三閭放不如端慮盤飧懷異味  
併隨焦尾付庖廚

送王安節赴武康尉

荆國公族弟也甲戌六月海陵賦

江左風華推第一王氏堂文獻出烏衣諸郎能  
少屈尚執中司三尺律君方色養白頭親吳興水  
陸饒甘新下山之下茗溪濱一洗長安肥馬塵君  
不見昔人員米長勤捧檄喜敢論州縣徒勞爾

送海陵周太守邠受代還朝

周字開祖嘗宰管城有聲

甲戌六月賦

湯之水東流奈何載此西行舟統如五鼓鳴城頭  
使君去矣不可留前日使君來天子惠此州傳道  
管城政先聲走羣偷不關外戶息吠犬悉把鉤鋤  
誰帶牛雨暘不違禱舄鹵數倍收吏却一錢賄獄  
無五木囚黃堂坐嘯有餘暇八詠新詩追隱侯斯  
民幸使君畢世為吾休俄及瓜時代本朝官重內  
舊通金門籍行奉玉宸對問君何以治海陵但陳

聖主之德臣何能狂生有意水衡丞

送僧雲還吳興

雲喜作小詩稍不俗  
甲戌七月海陵賦

吳興道人美風度月下滄浪翹白鷺畫公詩律尚

能傳聞有赤烏黃耳白海角相逢一笑新懷歸不

待白蘋春寄聲故國羣兒輩潦倒塵埃賀季真

答許景亮

許永嘉人字少明力學喜為詩  
惠然出長篇見投況我以鄧高  
密謝太傅即賦以答時余將為江夏

東嘉海上孕瓊恠之子人英晦當代發之辭章聊

一噫

下界

雷鼓霜鐘警聾聵投吾夜光敢下拜相

期過高車少殺君家風鑿嚴簡汰頽吾衰遲積疴

瘵久隱墻東慕牛僧絕望仲華安石輩老矣狂奴

猶故態清思屢遭俗子敗絮衣棘經動冑礎京塵

浼人更難奈行拏一舟犯滂湃五斗無餘雜糠稗

全家飢殮雲夢豈黃鶴登臨指天外燕子西飛書

可待訪吾少明安好在

贈僧孚

熙寧末余罷官趙郡日與僑人竇  
了然游後十年復相遇於徐之蕭  
縣丙子三月之官江夏舟次長蘆有僧永浮  
見過乃了然也將之廬阜余要偕行乞一詩

遂賦

北道交遊實了然手持丹訣口談禪吾年方少不  
解事貪酒放歌相助癩千載驅車道梁楚汲水之  
陽一環堵著書直上窺鸞熊鄭圃澆園聊爾汝旋  
聞警作去鄉行聲迹相遼掃風雨我遭官縛未渠  
央君割塵緣遽如許扁舟三月遡長川故人投謁  
俄童顛周妻何 敗吾事成佛定輸靈運先此行  
歷涉佳山水隨牒不妨行樂耳與君更結蓮社游  
徑取孟囊付舟尾

送章邦傑移家餘杭包家山

章字子才熙寧中僚友也

自江州瑞昌令休官居城中十三年不與人  
事為道友築室相招遂有是行丙子五月道  
由九江邂逅章登舟南浦因賦是詩

九江賢令尹千載兩相望昔也陶彭澤今之章瑞  
昌拂衣置五斗高興挹羲皇避俗陶無悔達生吾  
與章淵明三逕荒松菊我携一瓢寓僧屋淵明乞  
食踵人門我賣神丸辨蔬粥淵明為酒接休元我  
每移書謝州牧淵明紙筆課兒曹我子長歌紫芝  
曲蕭閑門戶十三年尚畏塵緣生處熟行將卜隱  
包家山誓與蒼生鍊大還願君門外誅榛管來者

勿拒容躋攀鏡湖遺老。且孱猶堪護鼎訶神姦。  
功成拔宅自僊去唯餘井曰留人間。

題漢陽招真亭

亭在大別峯頂郡守吳興劉誼宜翁營高宗以招江夏

黃鶴之仙劉每自稱有不死術亭成後二年物故於淮陰道中余適見之一無它異丙子八月獨登因賦此

大別山巔清沔尾飛亭岌岌帶雲起清狂使君初  
燕喜拍手招呼黃鶴子玄津煉出太陽酥丰茸胎  
髮蒙頭顱每誇久落北鄴籍豈意齋恨歸黃壚越  
客登臨興何有愁不能言痛妨酒殘陽雲夢杳然

深尚欲開襟吞八九羽駕飄飄安在哉使君餘跡  
已塵埃但見庾令樓橫煙樹杪角聲催月渡江來

晚出江城聞角

丙子九月晦江夏作

古壕沮洳荷葉枯矍鑠禿鷲行且漁山銜日脚水  
關掩孤樓引角吹單于胡馬西風興非淺壯圖舊  
迹隨塵卷秋盡湖邊鴈不來流落方悲去人遠十  
月之交五夜長河橫斗直天蒼涼蘇門故里斗杓  
下豈無伯仲勤相望君不見剡蓬為矢弧弦桑男  
兒落地志四方履屐無根著家巷道梁適楚猶吾

鄉鳩鴿不踰濟橋渡淮為枳吾心況物未應然隨  
牒官身聊爾耳

寄漢陽趙尉沔

趙字道原沔之從兄  
丙子十月江夏賦

慶湖遺老坐詩窮強仕之年百病攻誰謂南昌祿  
隱翁伏枕呻吟四壁空相思限此江西東寄聲每  
託江頭風斯言近俳聊一笑江水方清飢可療人  
生竒偶類探籌造物豈容人數料君初試吏或當  
然我大半生真不調昔不願起家百日登三司今  
不願還家六印金累二但願官糧辦親養歸來尚

餘三徑資鄰墻晏起訪安否爾酌我歌堯舜時咄  
嗟此願良難必吞聲食蘘甘如蜜

送武庠歸隱終南

武字明叔近魏今是翁  
銜命巴峽還道由江夏

過我乞詩為賦  
丙子十二月

君不見南朝豪儁有郗生自厭出身時網嬰樂聞  
栖遁去人者傾金累百贈其行關西武郎將家種  
心實慕儒官冗從春走巴東歲暮還逢迎偶在江  
南夢過門把酒豁清襟行將歸隱南山陰終焉之  
計咄嗟辨願賦一詩輕百金吾聞自古咸秦稱陸

海六印可求田莫買別墅三千畝上腴將軍部曲  
猶多在未應親手把鈎鋤歲事經營付家宰一官  
換得今是翁昔何所縛今誰解携琴領鶴白雲鄉  
身世相遼自兩忘北窓仰枕安足道未知何者為  
羲皇豈不閒俛首塵埃百僚底南北推遷隨尺紙  
摩肩接武半輿臺誰謂淮陰非噲比君家鼎甲盛  
先唐兩都朱邱森相望天道惡盈幾赤族當時賴  
有安平王慶牒蟬聯今幾代雲孫庠繼游方外他  
時野史逸民篇鑄也磨鉛豉而待

送鄂州刑獄掾王懋元功罷官還海陵兼簡

金陵和上人

前此三年余客海陵送王之  
官酌別於橫塘此詩丁丑六

賦月

暖雲芳草橫塘路送客何之官鄂渚江皋暑溼氣  
如蒸別來何之還海陵海陵鄂渚非吾土每後君  
來先我去人無根蒂水悠悠況指滄波是舟路君  
方少健我衰遲跼蹐轅間不自持因行寄聲鴈門  
遠歲暮敢忘林下期好去將無同語掾行見春風  
花滿縣隱顯它年不我遺為續白蓮社中十八傳

玉鈎環歌

諸王孫士汙澄源以蒼玉環螳螂鈎見既助飾野服因以玳玉

良工得玉藍溪窟相璞命形心匠出螳螂偃彊聲

疑有骨頸系一環猶莫屈鏡湖老狂厭袍笏素袂

纁緇須此物價比連城不容乞王孫輟好人所難

何以報之明月盤薰爐波面山嶺岿吾鄉美筭

鷓雞翰闔麤兔盃霜毛寒稱是頭貢雙龍團聊送

公齋增冗長短歌粗可評珎既吾方野裝事遊放

跼步臞顏曳藜杖薄暮微吟江漢上彼漁丈人謔

相訪謂似三閭大夫樣

南樓歌送武昌慎太守還朝

慎名宗傑吳人其先錢氏

貴戚戊寅三月江夏賦

君不見見鄂渚山環少去城半高牙之衝仰飛觀裴

徊華月天一隅縹緲青山江兩岸題榜南樓非昔

時今人可復識元規唯餘在得昔時月与此江山

長住持公堂坐嘯無留事清夜登臨誰辨此流風

逸響殆千年初見東吳貴公子剗繁健手付方州

迎刃未始逢金牛潢池小兒歸田疇田無高下乃

多收每尋不淺胡床興更有歌人行酒籌明日雲  
颿望堯闕鏡湖老生愁欲絕一錢何敢澆劉公送  
行聊以南樓月照見金閨待漏時結佩正冠勤曉  
謁公乎莫負鱸魚菰菜期衣錦東還使持節

題黃岡東坡潘氏亦顏齋

潘幽老昆仲躬耕於東坡菴亦

顏齋以偃息求詩于我為賦之元符戊寅六月江夏作

東坡有田誰料理顰面蒼毛潘氏子結茅題樹亦  
顏齋農隙把書聊自喜潘乎潘乎信是顏之徒終  
日何所論難真如愚世無孔父四科友猶辨簞食

瓢飲陋巷環墻居百畝之收粒可數天南有待東  
坡主更輸什一補官倉餘勺幾何供雀鼠會須不  
改其樂媚而翁力田水旱由天公大勝心迹相違  
阮校尉東西南北哭途窮

慶湖遺老詩集卷一

慶湖遺老詩集卷二

古體詩上四十首

故鄴

按鄴都記漢建安十二年曹操滅袁

皆大都而鄴為之長操子丕代漢復定都洛

陽此後僭竊更據鄴而久之始殘破元魏孝文

帝自代南巡駐蹕鄴下久之以南南望枉人山

北接相人縣非善地遂去之河南將行挂飯

鑿於城樓上識者解之挂飯懸殮也豈待玄

孫宅此乎至孝靜帝果為高歡劫遷都鄴齊

五主營建宮室規模壯麗遠逾前魏周武平

齊焚撤畧盡及楊堅克尉迴遂洿之築京

觀於葛屨山徙郡汝安陽鄴猶為屬邑熙

寧間始廢之戊午九月獨游晚歸馬上賦

魏武昔恢圖北平譚尚孽卜鄴築新都非徒三狡

多收... 賦... 詩... 卷二... 古體詩上四十首... 故鄴... 按鄴都記漢建安十二年曹操滅袁... 皆大都而鄴為之長操子丕代漢復定都洛... 陽此後僭竊更據鄴而久之始殘破元魏孝文... 帝自代南巡駐蹕鄴下久之以南南望枉人山... 北接相人縣非善地遂去之河南將行挂飯... 鑿於城樓上識者解之挂飯懸殮也豈待玄... 孫宅此乎至孝靜帝果為高歡劫遷都鄴齊... 五主營建宮室規模壯麗遠逾前魏周武平... 齊焚撤畧盡及楊堅克尉迴遂洿之築京... 觀於葛屨山徙郡汝安陽鄴猶為屬邑熙... 寧間始廢之戊午九月獨游晚歸馬上賦

穴將行遷鼎志遽有分香訣落日總帷空真終歌  
舞闋旋聞灑洛上載起蒼龍闕四葉不歸東苔花  
馳道絕食槽讖終驗挂飯期先決擾攘百年間覆  
車尋此轍山川氣象變朝市繁華歇白露復青蕪  
茫茫換時節陰風吹葛屨燐火走兵血木葉下西  
陵寒虫助騷屑當時陪葬骨馬鬣猶環列隧碣什  
縱橫鐫文久殘缺帛砧与柱礎螭首隨分裂指此  
一杯間賢愚兩何別悠々鳳漳水寂々雀臺月千  
古配英魂未隨埃燼滅田臯訪遺老謂有興亡說

但聽黍離篇叱牛耕不輟

喜雨

己未歲余官滄陽涉春旱熱四月晦  
雨始大澍而二麥已槁死采老農之

言賦  
是詩

終春久旱暎涉夏俄溽暑垢汗浼衣襟梅津蒸柱  
礎黃霾閉赤景測候錯辰午沙燕逐風鳶翻飛遡  
來雨紛々白羽箭齊發萬牛弩落瓦復鳴階浮漚  
如沸煮崇朝已沛浹枯槁頰清瘡田父喜過後迎  
門好相語蠶桑薄可具豚酒与簫鼓擇吉謝業祠  
巫娘罷狂舞晨炊飽丁壯在笠耕烏鹵少緩麥租

期庶將秋稼補輸入太倉中蕃肥任黃鼠

老槐

邯鄲郡南滏水上有大老槐無復生意人偶夜休其下聞吟嘆之聲發空

老樹久枯秃俯臨清路塵曾無席地蔭在唱及斯

民臬巢與狐穴兇恠相憑親嗥嘯屬陰黑驚搖宥

近人周環築級壇立社祀秋春既享不材壽濫當

有土神勿惑巫婦言請揮樵者斤猶疑終竊據復

作後來薪

過鼉掾端智

鼉字祖禹滏陽法曹掾己未九月賦

西風吹晚雨飢雀噪寒叢文舉對談客坐慚觴豆

空咄嗟宦游子貧病略相同斗俸折腰得醉錢常

不供君看北里兒高堂燕歌鍾雖誇酒無笑飽應

何由豐吾豈乞墦者不為妻妾容永懷冰檠操未

媿屠酤雄

春行

庚申三月滏陽賦

風俗喜嘉辰行樂東城春人歌芍藥章馬渡楊柳

津田畝久枯渴麥芒棲暗塵焦心戴白叟日望西

郊雲

對酒

庚午三月  
晦 滄陽賦

白駒不可駐尺璧非所珍獨挹一樽酒悲歌送徂  
春歌闌酒亦盡回首迹已陳自笑十年仕尚迷天  
下津豈無濯纓水奈爾長路塵命也復何道今人  
猶昔人

閒情二首

庚申四月同滄陽  
田參軍至明賦

青窓隱夕曛玉甃紫苔春佳人久不見翠被銷檀  
熏長巾拂綠綺上有三年塵聊彈別燕弄寄謝陽  
臺雲

秋風動朱箔流塵污鴛綺念昔合歡人兩心今萬  
里冰霜變松竹况復如桃李欲寓相思文無多右  
軍紙

題巫山圖

滄陽張氏出此圖蓋唐  
人畫庚申四月賦

巫山彼美神秀色發朝雲絢麗不可挹飄飄去無  
痕楚夢一夕後蒼山秋復春日斷腸亦斷往來今  
古人

詛蚊

庚申五月  
滄陽賦

公舍踞陰溝維蚊得所在朝昕滅聲迹曛暮相期

會挾是黨與繁豈資軀力大飢心過狼貪毒喙甚  
蜂蠆俯張巧中去聲人勇悍將何奈貪無緝葛稠拙  
計然蕭艾徒自取薰蒸舉家更平聲噴歎煙銷尚鼓  
箠夜久禦益懈坦腹恣交攻煩癢如搔疥神疲復  
夢悸少不容清快如何造物工種此生民害安得  
長風驅投諸四荒外斷之嚴霜誅併命不可貸醜  
類倘一遺餘孽行當再

燭蛾

庚午五月  
滄陽席上賦

鬼蛾來翩二慕此堂上燭附炎竟何功自取焚如

酷感彼萬動微保生在無欲不見青林蟬飲風聊  
自足

病暑

庚申六月  
滄陽賦

旱夏景延永烈日天中央欵欵燎原野中去聲人如

探湯病肺苦焦渴吐舌生喉瘡蔗漿與茗飲未易

蘇膏育稍驚氣象變雲物來冥茫仰枕視簷際浩

浩浮滄江忽得灌頂偈灑然心地涼雷公未鼓怒

風伯何猖狂掃蕩大宇空萬黑纔斜陽俯辭楚臺

上拱立齊鼎旁一介命螻蟻敢干私雨暘田夫信

無罪觸熱正驅蝗

暑夜

庚申六月  
滄陽賦

渴蟬鳴中夜木葉凝無風襟苧不加帶猶如被蒙  
昔三庚信可畏一扇曾何功安得解民愠蒼梧埋

古桐

問內

庚申六月  
滄陽賦

庚伏厭蒸暑細君弄緘縷烏縑百結裘茹繭加彌  
補勞問汝何為經營特先期婦工乃我職一日安  
敢墮嘗聞古俚語君子毋見嗤女將有行始求

然艾醫須衣待僵凍何異斯人癡蕉葛此時好冰  
霜非所宜

食芡實作

庚申六月邯鄲郡從事  
錢景茶德父席上賦

錢侯官舍旁走水來方塘暑雨過初伏斜陽生晚  
涼風翻芡盤卷萬觜爭低昂猶疑秦雞暴擅此六  
國場下榻延密客開樽薦新嘗金刀剝老蚌玉沙  
磨夜光慙勤煩釘餌未咀悲生腸引領廊衛西百  
泉乃吾鄉水產富此物數錢論斗量朝飡取饜飽  
無復炊黃梁貪嗜比羊棗況乎惟味良十年去國

仕遇得纔微芒季鷹思尊羨拂衣謝齊王我亦散  
浪者未許斯人狂長歌定行矣千載會相望

烹雞嘆

庚申七月客過滄陽道近時有人  
觀庖人宰三雞一雄就縛而鳴不  
輟因嘆曰禽鳥將死知時且鳴吾安得默之  
求容於世因極口肆言俄抵機穽幾不得免  
余感而賦此云

膳夫縛三雞二雌先就烹一雄置几上不廢知時

鳴有客見之嘆人情猶物情寧昌言即死何噤口

偷生愚聞此客言退思因竊評雞實斯俎資殺身

非罪聲人忘樞機誠鼓舌為禍萌宜念千金軀與

雞何重輕

題華陽公主碑陰

按碑公主名季艷魏孝  
文帝之孫年十四降高  
澄弟琛主與琛皆早死齊建國琛追王趙郡  
主為王妃碑表其墓盧思道文姚叔書在滄  
陽之南七里庚申八月晦日賦

王姬乘鳳去春色一朝空昔怨綺羅月今無松栢

風千年見白日狐穴入幽宮玉鏡古塵滿落梅誰

復容峨二當隧碑寶刻一何工文擅色絲美但書

膏邑封惜非丈夫烈不得傳無窮好在故時物清

漳流自東

題蘭陵王碑陰

碑載王名肅字長恭北齊文襄之子按北史直書長

恭而沒其名蓋當時以字行而史失其詳爾王有武略善撫士每得一瓜數李必分甘餌衆金墉之戰免胄先登推功第一今蘭陵王曲即凱歌也為後主所忌得疾不治而卒以煇堯碑陰刻王弟延宗一詩甚哀墓在滄陽西南十里道占其東夏潦所湊壠已半圯碑字大兼寸隸法有古氣而不著書人名文乃盧思道也庚申九月十日賦

齊室生武賢蘭陵乃頗牧柝爪饗虎士饜 比梁

肉金墉免胄戰破陣何神速樂府有遺聲當歌凱

旋曲盤宗既不壽霸祚宜爾促十代六百年人間

換陵谷荒塗接幽壠誰復禁樵牧窆石半歌摧鉤

鋤斷鼈足蒼苔蝕篆刻仰睇眩塵目操翰無媿辭

千言不為辱流湍齧馬鬣客土日危盛霑潦併年

間彌漫即川陸昔多萬兩送今無一杯築人生妄

區別共盡同草木何待雍門彈令君淚盈菊

邯鄲郡樓晚望

庚申九月賦

新涼馮軒檻艸木帶秋聲潤水倒嵐影洗磨刀戟

明百蟲暮吟動一鳥歸思輕晚 駭徂景羈懷念

勞生去國亦已久己年今復庫官倉容雀耗世路

忌蝸爭顧我實荒浪誤拋樵與耕竹木微逕在奚

獨古人行

答杜仲觀登叢臺見寄

庚申九月  
滄陽賦

高風蕩河漢白露被寒菊下有絡緯虫淒酸生意  
促華年不相待去我何流速老步失騰驥短轅甘  
弱蹶伊人濮陽秀方厭折腰辱仕道塞榛蕪低徊  
避虻蝮邯鄲古都會陳迹武靈築興發即登臨西  
南幾窮目新詩琢璠瑒疊寄兩三幅一聽郢中歌  
陽春回草木行將及瓜代暫喜擺羈束鞭馬徑相  
過連朝奉游矚隻雞与斗黍禮意未為足何以遇

高陽多營甕頭醪

冬夜寓直

庚申十月  
滄陽賦

落月半侵窓蛩聲寒到林羈人不堪此夢後夜仍  
長結衣出庭戶河漢正蒼涼浮陰暝四野來鴈不  
知行陳物悲暮節畏途懷故鄉十年泥滓賤半生  
靴板忙豈不志事功筋骸難自強壯毛抽寸霜烈  
膽磨尺鋼素尚竟誰許行歌退楚狂

送武欽宗  
庶諱之安陽

辛酉七月  
完  
氏席上賦

黃金絡征轡之子待明發樽酒少遲留禪林見涼

月歌鬟結蛾黛怨此佳期濶去二柳堤風青蟬催  
白髮

寄杜邯鄲

余寓居魏之元氏杜仲觀以詩相招屬大河北徒莫知其津竟

不果赴但賦此卷之時辛酉八月也

窮巷厭多雨頽垣藜藿生  
蜩蟬飽風露晏景一何清  
坐指歲芳歇羈人心骨驚  
所懷不可見東州聞政聲  
三年但絃歌百里稱神明  
風月動高興詩章時一鳴  
天葩落健筆直與春工爭  
渾河失故渠怒水方縱橫  
難憑東葦濟跬步萬里程  
夢想不知遠

笑談何可并賴有西飛翰  
尺紙緘馳情

訪周沆郭忱

周字文清郭字天輔皆吾僚僭也辛酉仲冬自魏趨關始

及北郊首訪二子於壺蘆園延款連日因賦是詩

前日去薄官驅車望城關  
情親周與郭契濶多年別  
征袍未及解徑造郊扉謁  
存問審安娛芝眉慰懷渴  
家飽具羹炙笑我猶饕餮  
野色夜蒼茫松陰步微月  
悲風應長嘯灑面若冰雪  
狹室燭光清環爐擁駝褐  
歡呼講舊好夢憎驚聒念  
昔初冠年朋從事顛蹶忽  
一回首身志成老拙居諸  
信遠

邁又值陽生節春物行可期良游須屢結婦家酒  
醅羨升斗容丐輟斟酌挹東君手選時芳折樽前  
有餘樂身外無所切欲尋玉清路難訪金丹訣修  
短三萬朝黃塵共埋滅

除夜嘆

辛酉京師  
賦示周沆

壯髮忽種種華年今復窮客懷少安適況乃烹塵  
中病肺厭斟酌疲筋謝過從閑坊稅老屋車馬無  
來蹤日俸纔百錢鹽齏猶不供夜榻覆龍具晨炊  
熏馬通出門欲貸乞羞汗難為容安得一扁舟浮

家乘興東江山

深隱終老為田翁春秋二頃苗

秋穫期百鍾稚子課樵汲壯妻兼織春行歌滄浪  
清卧快柴桑風神明養內觀憂患無旁攻有客聞  
此言誚余何不衷茲行果勇決誰攬冥冥鴻安知  
祿籍間去就如樊籠微尚良自信所悲君不同

寄杜仲觀

辛酉二月余罷官滄陽訪仲觀

衣袷既登叢臺風色淒緊尚如隆冬時臺下  
有佛祠庭中得斷碑乃蔡有鄰書巖扞之叢  
臺懷古賦也因請仲觀樹之壁間佛祠西去  
二三里有王氏園偶諸俳倡將祀神者因置  
酒按之邑人丘巖起次說與馬明日相別是  
冬仲觀亦受代復調南康船官壬戌八月余

至彭城登高有懷  
因賦此以寄

中春雨收霽與字登叢臺形勝宛然在太行西北  
來無情百尺土千載未摧頽四顧發悲嘯淒風振  
頤頽凌高氣象變似不容徘徊下出破禪剎斷碑  
生紫苔嚴公賦懷古復使後人哀西尋王氏園一  
逕趨城隈老竹未萌筍繁花如雪開惠然丘少年  
逸躅欣攀陪小榭羅醺豆開簾按俳談招呼縹緲  
人晚鐘催妝梅水調唱金縷雲壘浮玉醅傾腸敢  
惜醉忘著接羅回明日遂分首舊游安在哉我為

東徐官客髻棲塵埃君調南康吏江山後清才西  
風吹去鴈尺紙為君裁我已困摧辱壯心如溼灰  
行將隱名姓采藥孫登崑共城山名異日儻相過衡門

翦蒿萊

游雲龍張氏山居

雲龍山距彭城郭南三里郡人張天驥聖塗築

亭於西麓元豐初郡守眉山蘇公屢登燕於  
此亭下畜二鶴因以放鶴名亭復為之記亭  
下有小屋曰蘇齋壁間榜眉山所留二詩及  
畫大枯株亦公醉筆也亭上一迳至山腹有  
石如磬治者公復題三十許字記戊午仲冬  
雪後與二三子携惠山泉烹鳳團此巖下張  
郎鏹之壬戌秋余初至徐惠然見臨繼相  
招為山中游八月晦日遂往暮歸馬上賦

昔聞張逸氏卜築雲龍山東望結遐想喜得彭城  
官一語定襟契宛如平生歡招携屬休沐投此薜  
薜間女僕候門巷青雙翠鬟蘇齋軒戶明餅火  
焚椒蘭寶墨鬼神護清詩冰玉寒森然拱簷雷架  
石排琅玕東趨放鶴亭磴道披茅管指顧百村落  
炊烟林莽間日脚灑平陸兩山如斷髮淒風振晚  
葉坐怯衣裘單引領紫霄極飄飄如可干緬懷眉  
山公五馬來游盤酣興走顛筆蒼崖即鑿刊年年  
仲冬月雪野雲彌滂掃石坐舒嘯惠泉烹鳳園當

時詫盛集千古陋達安俛仰迹遂陳斯人久泥蟠  
我來後日逸躅何由攀遇勝不能賦俯尋塵路  
還山英移未勒時款白雲關

登黃樓有懷蘇眉山

時公謫居黃岡壬戌八月彭城作

登黃樓望黃州黃州望不見樓下水東流水流何  
可留浮雲更悠々傷心澤畔客憔悴楚蘭秋

秋懷二首

壬戌九月彭城賦

室邇人尚遠況乎千里間豈徒道路長重水復重  
山清霜老芳物嘉樹不堪攀欲寄壠頭信春風殊

未還

蕭々庭木落格々雞聲惡荒簷日影斜飢猫捕黃

雀窻間養痾客起念立園樂欲賦歸去來西風老

藜藿

燕子樓

唐徐牧張建封晚得姬人眇々寵

以處焉後

嬖之為起燕子樓於使宅北城上

陽李公出守

更兵火樓不復存天聖中故相濮

一日余与二

三僚友置酒樓上分韻賦詩偶

得如字而侍

酒官妓亦有名眇々者蓋竊希

唐人因為

見於卒章

城據山川勝千年楚故都高樓臨汲水楊柳蔭芙

蕞唐室中多故將軍老鎮徐毬場朝戲馬玉帳夜

投壺白雪徵清唱黃金得綠珠春風樓上醺三日

極歡娛紅粉夢雲散白楊兵火餘當年賀厦燕老

盡幾番離曲徑擁黃葉西風時掃除寒鴟蹲老樹

睥睨女牆狐有客晚登覽傍徨思壯圖荆榛閉銅

雀糜庶游姑蘇陳迹豈足道舊歡何日無朱欄開

酒場寶勒迎官奴醉袖舞鴿鴝艷聲歌鷓鴣遲留

故時月桂影來座隅回首一相詫今人如不如

快哉亭

彭城郡城之東南隅提點刑獄官廢廡也熙寧未魏郡李公持節來

此亭城隅之上郡太守眉山蘇公命名曰使此亭下有葵塋數十步即唐人薛能陽春亭故址也癸亥六月始登此亭因賦是詩

飛亭冠城隅空豁延四望風昔兩文雄胡床此相  
向山川氣候美詩酒風神王禪歷許昌侯陽春慚  
俚唱麾車忽南北榮辱坐譽謫一躡雲遶間一落  
江湖上我來得陳躅伏檻徒悵悵可畏此塵籠歸  
我養荒浪

### 飛鴻亭

藍城南禪佛寺據戲馬臺之麓有石癸亥秋九月太守河南王公說命僧起亭冠焉亭成置酒以落之而未得嘉名以稱也

時天晴木落旅雁南下復有琴於座者公偶誦嵇叔夜日送歸鴻手拊五弦之詩因以飛鴻榜之是冬十二月十日復與李昭玘成父楊中立同登因賦是詩

禪林跨山脇飛高宗廟諱鑿峻嶒千里寄雙睫百憂消一  
登斯游屬公暇晚日東南并霜野明練甲雲陰垂  
海鵬東州地陽暖臘月川無冰大艣出洪口突去  
如騫騰趺坐思方寂桐魚聞飯僧生臺飽馴鴿散  
上浮圖層矯首發長嘯清風鼓塵膺寥々紫虛路  
鴻鴈正憑凌仿像中散公拊手朱絲繩粉繪久零  
落爽靈呼不應顧余識尤寡况復無才稱行且置

纓笏菴樓宗大乘二字勿多誚有心何不能

上已後一日登快哉亭作甲子年賦

上已信嘉辰流觴傳舊俗良游悵不遂吏局方有  
屬東風吹曉雨萬竅鳴林麓疑有泊舟人狂歌河  
女曲逾朝始澄霽物色如新沐城角趨聲危亭登  
臨慰幽獨紛華掃不見胡蝶飛平綠竚倚窮夕曛  
悠哉此心目

讀李益詩

甲子夏與彭城詩社諸君分閱  
唐諸家詩采其平生人賦一章  
以姓為韻君虞益  
字也見從軍詩序

君虞興聖孫詩律早專美樂府度新聲宮醮奉天  
子鮮風獵蘭苕華月濯桃李獨有連眉郎才稱劣  
相比頗聞竹窻句流落綺紈耳吏曹久失調幕府  
感息起從軍五十篇王粲慚率爾胡沙動霜草開  
卷得千里騫翔大蓬拜轉顧觸排毀晚升八坐崇  
謝事知所止高文茂支庶埋滅長已矣斯人今不  
亡正賴數番紙咄嗟齒逾壯日就無聞恥勉哉課  
謠吟請自田居始

田園樂

甲子八月與彭城詩社諸君會南  
臺佛祠望田畝秋成農有喜色誦

王摩詰田園樂因分  
韻擬之余得村字

昔我未去國，幽棲淇上村。  
分辭俠少事，喜與農老言。  
農老孰，追從四鄰皆。  
世婚機中工，織婦籍上成。  
丁孫青駒自走磨，黃犬長候門。  
昨日春火開，逍遙望高原。  
西照牛羊下，東風花草繁。  
今朝夏雞鳴，麥熟田頭喧。  
歸來息樹蔭，課汲灌中園。  
秋賽方及辰，釀秫烹膏豚。  
叢祠響腰鼓，免杖奉神樽。  
冬雪斷門巷，蚕廬清且溫。  
地籍熊羆席，爐明荆樾根。  
起居就安適，非復繫晨昏。  
不識百里面，不知千騎尊。  
供輸

先衆期於我，何威恩太上。  
復淳古坐起，義與軒敢忘。  
天地施擊壤，聲如填畢此。  
百歲願泰然，長夜魂避秦。  
誰氏子客死，武陵源。

此日足可惜

甲子九月盡城寇  
元弼席上賦

此日足可惜，此樽何可辭。  
人生信浮寓，老境將安之。  
念昔青衿歲，九七殊未知。  
忽爾俯仰間，復見趨庭兒。  
名繫冗從籍，願亦何能為。  
撫此多病軀，敢有黃髮期。  
每虞斃犇走，明哲永見嗤。  
後日賣刀劍，買牛耕故陂。  
不憚力作勤，農事有間時。  
慨想無心子。

清閑真我師

部兵之狄丘道中懷寄壺城社友

甲子十一月賦

駕馬出北門徒御何遲  
三日氣方洶湧霜陰亦紛  
披後夫前驅行少婦痛不隨分携仰天哭聲盡有  
餘悲雖非遠行邁要之為別離願我豈無家後公  
難遂私且懷二三友缺此文酒期臨分各有贈婉  
思婉乎詞吟風一回首煙林失城池相思肯相逼  
斗黍為君炊

三月二十日游南臺

與張謀父陳傳道王  
之舉乙丑年同賦互

取姓為韻  
余得陳字

晴春六十日不与酒杯親  
吏事豈無間風雨復兼  
旬始作南城游時物固已陳  
掃不見桃李濃綠迷  
荆榛登高暫道遙引目清泗濱  
向田有交運俯城  
皆要津得意屬禽魚可愛不可馴  
願予千里客眷  
此十日春胡不念爾生筋骸勞  
欠伸二十起丁籍  
一官初為貧侮張西復東  
翫滿羨蕪塵黃綬彼何  
物承苓安足珎山園有芳蘭  
幽佩手自紉長哦白  
雲謠遐想紫陽真去矣南昌尉  
庶幾乎若人

夏夜懷寄傳道

陳攝領雙溝戍稅局乙丑年壺城賦

疲筋任藜杖行藥下僧坊  
月出河漢白雨餘艸木  
涼有懷社子中引首東南望  
高韻少諧結何心事  
征商泗濱六七月萬柳鳴蜩蟬  
大編軻峨來迎風  
坐胡床投錢授赤券  
豈所試君長申退尚多暇  
不無金玉章而余方執熱  
思得濯滄浪雲牋儻寫寄  
珎重未相忘

慶湖遺老詩集卷二

慶湖遺老詩集卷三

古體詩中四十首

和張謀父游石佛山觀魏太武書

按南北史彭城

圖經魏太平真君十一年太武南侵至瓜步築宮駐蹕眷欲渡江宋人患之遣使請婚饋百牢以犒師明年春旋師渡淮復留連徐方再旬始北去今彭城南五里因山鑿佛高十丈許東北百步有大磐石歌枕小溪劃然四字曰阿弥陀佛皆徑尺餘特陀佛兩字為逸筆結之其長倍尋下落溪中蓋當時太武以鐵篋畫是字非刊刻也乙丑秋張謀父摹墨本見惠蕪賦一詩要余屬和焉

中夏昔屯否代邦天所開鴻圖屬太武不世英雄

才南洗洛陽血西盪長安灰  
羶車十萬乘略地驅  
風雷一葦濟長淮築宮瓜步隈  
東鄰拜宇餽走使  
為婚媒雲旗即歸路覽勝此聚  
徊俯揮鐵馬鞭頑  
石同陶坏劃成四大字屹栗陰虹推淪精入崖壑  
怒氣羞蟠回茫：六百年風雨生莓苔偉蹟寢銷  
泯威靈安在哉生存貴無上零落等塵埃君為訪  
古遊賦詩追七哀人生誰不瀾莫負手中杯

夜行鄒縣道中偶雨作

乙丑八月被外計  
檄自徐趨鄒道中

也賦

昨日秋遂分村、歛禾黍半夜宿田人相噓去深  
陂雨駸馬上客厭浥投何所暮發鄒子城朝期飯  
東魯據鞍思假寐顛墜慚不武俯畏道旁石頽然  
如伏虎遠驚喬麥華白水漫洲渚安能叱吾馭親  
闈寄西楚念昔卧蘇門夙興猶及午豈謂從一官  
羈離遽如許歸歎惜遲暮幽悵將誰語賴爾草根  
虫助我長吟苦

行路難

乙丑八月被外計檄召徐鄆往反  
千二百里由荒山廣澤皆畏途也

而期會甚嚴夜不遑息  
因賦是詩命曰行路難

驚飆獵榛莽西山匿頽陽四五陰魄晚繁星亦老  
芒驅車何所投却顧歸路長挾轅而羸特犯此豺  
虎場安得渥洼駿皎旦游康莊豈徒寫我憂要使  
塵不揚

送寇元弼王文舉

文舉乃元弼女兄之子而復妻以女寇之官符

離之荆山戌王亦從行  
乙丑八月彭城賦

無端嵇氏早結曹家偶不遂龍蛇藏翻從牛馬  
走東西祗強顏清鏡笑人頑歌枕知歸路用屏認  
舊山甘心折腰齧為飽來西楚始驗釜生魚還悲

廁中鼠兩君冰玉人傾蓋許相親何意塵埃地歎  
游雲漢津佳時第行樂不與華年約大白酒交酬  
長箋詩間作俄報戌期秋扁舟去莫留臺鄉淮水  
北和氏玉玩頭飄飄同李郭到岍逢搖落俱是長  
年人得忘弥日惡勞生不自知會合復何時籠鳥  
檻猿思烹雞炊黍期此期諒難必幸勿忘今日固  
有夢依、可無書一一徐國壯山河黃樓入望多  
後時三五夕柰尔月明何

人生七十稀

元祐丙寅正月彭城賦寄朝中二三知舊

人生七十稀行年今已半事功貴及時遲莫復何  
美嗟吾夙多負失怙在童卯詩禮思有聞飄飄辭  
祖貫慈親念衰緒粹營婚宦名姓係西班星霜  
亟徂換未築黃金臺長歌白石爛豈無同心契相  
望眇雲漢每虞颯至摧折洵底幹異日偶班輸  
抱柯徒永歎

和杜仲觀青字詩二首

丙寅四月  
京師賦

青袍少年子獨出青門游逢人少青眼凝  
樓窓中青蛾女正為青春愁心事屬青鳥青  
驄能

少留

白馬青絡頭青萍寶帶鈎青溪流水急獨上青翰  
舟佳人青雀釵手把青荷游慕君青雲器青髮結

綢繆

送李主簿夷行之官河陰四首

李字易初  
翰林邯鄲

公孫少年若學元豐壬戌任東平戶曹掾攝  
彭城錢官余實為代元祐丙寅相遇於京師  
九月沂洛之官索詩為別遂賦彭城余贈李  
詩有它年會相訪分卧北山雲之句詩在別  
卷

夙昔一樽酒相從清泗濱回首歎四載長安逢故

人交情久益淡辭筆老加新送子復西去勞生悲  
重陳

古來英特士注：沈下僚念君鸞鵠姿俛首棲蓬  
蒿霜氣歛陂澤伊流纔半蒿舟行何以慰酌酒誦  
離騷

君才本高絕流俗固難諧桂生樗櫨林寧免相突  
排勾稽諒多暇簾箔蔽公齋聖賢在黃卷差可遣  
人懷

少小縻一官身世兩相補為飽西復東志願劣兒

乳不無同心友頗壓折腰鶩寄語北山雲異時吾  
與汝

擬南梁慧侶法師獨杵擣衣

丙寅十月  
京師賦

嶧陽桐杵鳴連岳石砧平待罪相應節要自不勝  
情吹衣風稍急弔影月微明會有不眠客聽此斷  
腸聲

擬阮步兵夜中不能寐

丙寅十月  
京師賦

夜久不成夢張燈開故書清霜屏雲物有月來庭  
除良時悵難再不與佳人俱掩卷長太息望子城

之隅

擬鮑溶寒霄嘆

丙寅十一月  
京師賦

孤缸照愁眠明滅知夜久熒：月落牀檝：風入  
牖美人悵何許寤言不相偶心寄南征鴻雲漢長  
回首

遊雍丘燕溪分韻作

丁卯二月領大匠屬  
治事至雍丘與故人

吳擇仁智夫趙子漪澄之同游  
因分韻賦詩余得漪字

捨轡步平綠解衿俯清池微風度修竹琴瑟生淪  
漪梨花照晴影暖雪正紛披把酒久沉想况與玉

人期

擬王少伯新興

丁卯四月  
京師賦

西北雲悠：東南日杲：浪語問陰晴懸知行兩  
少桃溪換青蔭夙昔一何好臨牖思茫然微風動  
萱草

送陳傳道之官下邳

丁卯九月京居病中  
賦兼簡彭城張謀父

冠定  
應之

昔也官彭城日與君子親俱游大梁下不見輒兼  
旬衣食牽迫人汗走長街塵相逢立馬語愁面如

含辛朝來忽叩門頗驚黃綬新告我即東下得官  
淮泗濱方吾病中暍藥物苦殫貧故人復捨去此  
懷難重陳想見徑舊廬節候屬蕭辰朝尋張翁墅  
暮投冠●叔鄰二子亦吾好尺書坐因循交情定  
相訪為話正迷津

東歲舟居阻雪懷寄二三知舊三首

丁卯仲冬

抱病之官歷陽舟次陳留賦

舟路江淮永歲寒冰雪深成期良敦迫王畿方滯  
淫疲筋苦跼卧行藥長川陰雲物接平陸不見西

飛禽風從城闕來如聞鐘漏音昕霽更東邁區  
子牟心

寒洛未漸結東趨江海深舟人驚朝鼓斂纒逗長  
林、端落滯雪沙際起鳴禽病客坐長嘆攝衣涕  
流衿親朋自茲遠可是慕山陰興盡莫回楫何人  
知此心

汜：清川流冉：浮雲陰天寒日云暮魚鳥方潛  
沈吾豈厭安隱東浮違宿心一官未足養老境行  
侵尋牛歌感白石馬骨要黃金慚無子虛作萬里

懸知音

留侯廟下作

按留侯本封沛國之留城今古祠在焉晉義熙中宋公鎮

徐嘗下教修繕今祠中石刻雖破裂猶可識  
余官彭城日欲賦一詩忽不暇及丁卯冬  
沿洛東下阻冰於陳留舟次有神祠特嚴邃  
榜曰漢留侯廟蓋邑人誤謂侯封為陳留也  
余時抱疾殊困因默有禱焉歲暮疾平賦  
此詩具冠笏拜謁高吟神坐前償宿志也

文成念韓痛破產伺彊秦千金募健士雜斷屬車

塵東去變名姓浮游淮泗濱忍耻奉遺履得書何

老人十年風雲會赤帝資經綸鴻門禍端結一言

即解紛英彭既合縱楚項提孤軍偉哉借箸談豎

儒無復陳分疆餌而將來若從龍雲釋怨俾侯印

謀銷蛇豕羣定都天府國推功歸奉春四老落吾

術拂巾辭隱淪東朝羽翼就楚調徒悲辛出處能

事畢致君終乞身豈眷萬戶封僅與蕭鄼均淮陰

敗晚節頌亦非吾倫願訪赤松子逍遙雲漢津強

飯示終歿爽靈方上賓嚴祠鎮川湄餘澤及斯民

客子老將至低回冗漫臣慚無應時策肝膈空輪

困可教固無類慨然輒求伸未應終萬古黃石獨

能神

頌

游靈壁蘭皋園

集賢張枚理治此園以奉親因名蘭皋戊辰二月余

舟行次靈壁訪張氏子於園中諸亭壁間得故人東萊寇元弼三四詩因總題十八韻

兼簡元弼

集仙昔崇養卜築循蘭陔深徑萬株合清池百畝  
開飛梁蔭菑苔攢棟跨崔嵬淮海斲紅藥滿湘移  
翠栽岱松珮蘿蕙海石糊莓苔車馬遠驚聒魚鳥  
忘嫌猜病客倦舟楫尋春此徘徊閏年物候遲前  
日已聞雷薄景未晞雪東風新破梅主人京洛舊  
杖屨容叅陪指我良隅地方營秋月臺眼明壁間

字醉墨題東萊短句頗清絕早推能賦才殷勤卷  
白苧為爾拂塵埃安得一携手更傾林下杯酒闌  
話平昔豈復顧形骸行役浸相遠人生信悠哉薄  
暮重回眷長哦歸去來

題揚子王輅故居清軒

戊辰上巳日賦

卜築負南郭褰開臨要津舟輿占集地柰爾獨清  
人坐上一樽酒江南千里春何須茂弘肩何患元  
規塵游子感陳躅恍如平生親九原不可作歸老  
復誰鄰

游金陵雨花臺

在城之西南蓋生公講堂故址也南即石子岡登覽

盡江南之勝戊辰三月無次金陵與同行李延永游西望石磧戊戌終如數里之許耳

迢：朱雀航飛蓋共凌越東風石子岡芳草微徑

絕生公法堂在清夜貯明月回認城郭游春華爛

晴雪長烟動江隩微雲泊山脇連檣去遲回白鳥

屢明滅江山信清麗人物久銷歇戍堡定荒涼投

身計何拙塵衫與汗馬端為老生設李侯朱門俊

許與盡時哲俛首就微班剛腸頗摧折人生特眠

飯似是此身切歲晚賦歸田非君復誰結

宿法惠寺

在歷陽西南九十里戊辰四月七日訟事至順天里越斗峴山

冷泉澗薄晚投宿此寺：三隅面山而豁其西北竹樹邃密如不與人境相接庭中有泉如輪清冽而甘跨山起小閣榜曰餘翠登望曠快因賦是詩題其上

驅馬越飛澗揚旌下回岡款見層浮圖高風振琅

璫重門壯且深老柏森然行佛子出延客投鞭步

長廊中庭汲新泉一飲生清涼孤坐興登覽危梯

趨上方蕭：荒竹林簷外如環墻樵牧斷行徑龍

蛇知所藏山禽喜喧暘嘯侶何琅：子規特殷勤

使人懷故鄉引領落西北暮色來蒼茫一官早見

縻微尚久未償明發復東去斯游良不忘

題香社寺平痾湯泉

在歷陽西北四十里泉石山東麓周環三

十許步清徹而香或以竹木投其中漬之一息渥然如丹蓋靈砂伏其下故飲之并浴者疾多愈因名平痾湯戊辰四月十日訟事至泉上遂賦是詩

驪山御湯殿歲久玉蓮傾誰謂大江北有泉温且

清相傳白雲竇中闕丹砂英澡濯浹肌骨沉痾亟

能平豈特滌吾足徑當潔吾纓築廬俯源上涵泳

見鷗輕非復星塵網御風朝玉京賦詩投楚澤用

弔懷沙生

宿寶泉山慧日寺

在烏江東北七十里戊辰中元日八夜訟事至

此邂逅越客嚴生因賦是詩

日入不遑息驅車更之東回蹊出蒙密解袂迎長

風：芝何許來歷：江南鍾頓轡阿蘭若虛庭月

正中流螢逗深竹白鳥巢青松華燈耿翠箔瑶花

擢春叢絕境美清夜况非塵界逢惜無一樽酒幸

與之子同明發即南北浮生兩飛蓬

曉度黃葉嶺東谷懷寄金陵王居士間叟

在烏江之北八十里戊辰七月十六日自寶泉慧日寺之茅塘村路由此

陰谷不寓暑風松朝露零乳溪逗綠條葉筑聲冷  
冷老石清金碧窅然沈列星酌此石上泉餌彼松  
下苓條歎振飛步豈徒制顏齡何須歷五嶽即蹈  
神人庭頌余方有役俗駕不敢停寄音采真子來  
卜白雲高

腰疼山浮圖下作

在歷陽西北五十  
里戊辰十月賦

茲山非峻極名不載圖譜投策一攀躋未覺病腰  
背蒼松帶寒日交陰層窳堵儼然黃面師粉繪色  
已古我貪五斗米磬折向兒乳復著鞍馬勞疲筋

劇管楚此身異金石能涉幾寒暑誅茆結圓廬宴  
坐此其所清心日焚誦庶拔未來苦望塵彼何人  
碌安足數

曉登栢子岡回望金陵懷寄鍾山泉禪師

在烏江東北二十  
里己巳四月賦

晨征念王事駑駘煩屢咄既陟崔嵬高稍辭叢薄  
密烏牛霑宿露白鳥明初日清川舴艫遲綠岬浮  
圖出緬懷秣陵游曾綴秦淮緯曳馬白下門供去  
香金粟室得聞四句偈如奉三尺律損益非所知

全

婚嫁行且畢庶幾追老龐薄暮微萬一誓將遷枳  
根待變江南橘

歷陽十詠

已巳五月歷陽張心夢臣采  
縣境陳迹十題要余同賦

麻湖

縣西二十里按縣譜本城邑漢明帝  
時一夕淪為湖中有明府主簿魚  
甚美皆昔人所化也  
今俗呼為麻湖焉

昔也萬家邑今為無底淵城郭泯遺跡人民安得

全千古一回首薄暮愁風烟極瀨不無意吾生後

千年

鷄籠山

縣西四十里按縣譜昔城邑將淪  
沒神獨告一媧使西走即携籠雞

登是山籠化為石形猶然  
湖之東南有媧廟

楚媧昔犇迸餘生脫沉淪家禽不忍置信誚婦人

仁室籠欵變化千載高嶙峋可待麻湖水復生桑

下塵

濡須塢

縣西南百里按縣譜孫仲謀築偃  
月城以拒曹孟德即此塢也

孫郎昔鷹揚曹瞞方虎視敢忘板築勤遠挫兵鋒

銳俄聞青蓋謠無復金陵氣六代迭傾亡長江亦

平地

遏胡城

縣西北三十里按縣譜昔石虎  
南侵晉相王導築此壘以遏之

狂胡昔馮凌闊步長淮外難去此百雉城萬甲屯  
要害時平一登望江山互襟帶想像文獻公清風  
宛如在

當利港

縣東二里下通大江按縣譜晉王  
濬征吳乘便風趨石頭王渾招之  
不顧即此地此詩  
當在過胡城之前

龍驤乘上游銳氣吞敵境夙便趨吳京收功在俄

頃平生負雄圖晚歲方獲騁何必傳鼎彝江山與

之永

端

天門山

縣東南五十里江導兩山之間殊  
端悍按縣譜宋孝武嘗駐蹕此山

上閱水軍發因建二石關  
以誇武功今遺跡在焉

天門東箭流北注據牛弩凌高駐翠華舟師耀威

武當時侍帷幄誰復徵徃古虞舜有苗征端為西

階舞

址存

采石磯

縣東南二十里瀕江兩磯相對按  
縣譜李太白嘗隱東磯上故址存

焉

東西采石磯山水清絕漁舸與商舶今古幾泐

越飄飄翰林主長嘯弄明月難訪物外游飛雲眇

天末

百福寺

與縣廨鄰按縣譜即唐詩人張司業籍之故居也籍繪像今存

文昌西郭居修竹閉環堵琴樽不復存青蓮開梵

宇塵紛晦遺像粉繪才可觀拜奠媿無言長哦君

樂府

桃花塢

縣西二里麻溪上按縣譜張司業之別墅也籍與孟郊載酒屐游焉

今茂林深竹尤占近郭之勝

種樹臨谿流開亭望城郭當年孟張輩載酒來行

樂斯人久埃滅節物今猶昨看取不言華春風自

相約

平疴湯

縣西北四十里按縣譜湯泉下伏丹砂浴之能愈疾故有平疴之名

即劉夢得歷陽記所謂沸井者也

文楚護清漪炯若涵冰玉澡滌起沉疴功叅靈劑

連荒唐桑氏徑瑣碎桐君錄利物本無窮何須塵

簡牘

慶湖遺老詩集卷三終

慶湖遺老詩集卷四

古體詩下四十一首

三山

在金陵西南百里崛起大江之中昔

登三山望京邑皆此地也戊辰三月始游金陵置酒於鳳凰臺引望此山如落天外雅符

太中詩中語既渡江至石磧成門適與山對已巳六月賦是詩

白

南朝鳳凰臺置酒昔高會酒酣望三山宛在青天

外長哦謫僊吟如啖鯨鯢明日信東風孤帆出

其背荒戍接江濱開門適相對鼎足踣長川不為

舟楫礙雨暘雲吞吐早晏潮進退萬古免浮沉曾

微抃鼇戴伊余厭塵空閉目何可柰爽氣豁衿靈  
山乎吾有賴嘗聞晉阿童萬艣飛戈快徑造此山  
陞滄波爲之隘慨我疲軟姿功名讓前輩玄暉昔  
憑眺物色頗有在他時挂武冠刀劍行且賣山價  
略可酬庵棲謝當代遠持三山磯况彼七里瀨猶  
得傲狂奴吾無故人待

望夫石

在當塗北山上與歷陽當利門  
相直己巳八月賦

亭：思婦石下閱幾人代蕩子長不歸山椒久相  
待微雲蔭髮彩初月輝蛾黛秋雨疊苔衣春風舞

蘿帶宛然姑射子矯首塵冥外陳迹遂忘窮嘉期  
泛莫再脫如魯秋氏妾結桑中愛玉質委淵沙悠  
悠復安在

題烏江湯泉寄老菴

庚午七月賦

西菴松竹深薄暮更微雨山禽不畏人嘲啞方對  
語而余倦宦者罷日今可數京邑夙所懷其如惡  
塵土行復念斯游回頭悵何許

罷官有期懷寄歷陽朋好

庚午八月賦

迅雨蕩闌暑層飆披滯雲澄川繚楚甸新陽麗秋

旻物候豈不嘉中懷愴離羣親朋滿城邑繫滯此  
江濱及瓜信匪遙遂作河梁分何人具供帳樽酒  
展慇懃一聆雪兒歌載悽游子魂津鼓警朝夢  
烟生夕曛所悲紫蘭纓復京洛塵春風有歸鴈  
報我相思文

艤舟秦淮雨中寄侍其服之

庚午十  
二月賦

蓬卑每礙幘倉狹纔容席悽酸擁膝吟柰此風雨  
夕欣聞鐘漏旦懷彼南城客欲往從之游塞塗沒  
吾屐方君慕棲道願已淹行役後夜歲云除畸辰

良足惜何當斥氛閉新暘被東陌壺觴殿兩驂聊  
取一日適

金山游

辛未二月舟次廣陵同建安黃材  
成伯黃樞集虛郡人陳庾敏善武

寧張思永子修為金山游賦詩得上字

輕舠放中濡岸遠春風壯搢師俯仰呼天水爭簸  
蕩吾方扣其舷聊賡小海唱稍回即東麓側磴聯  
屨杖危剝表層巔疲筋牽強斜廊繚複殿魚脊  
分背向放目四垠寬秋毫入吾望侵雲鐵甕壘岨  
起去綠傍映日海門山不帶滄波上吾雖百石東

平昔有微尚。得金仙徒剪蘿。開岫幌。誓投桑榆  
年。浮玉翁自况。

金山化成閣望焦山作

辛未二月與二黃陳章四子同賦余

得中字

朝登化成閣。寫睇滄江東。巋然瘞鶴山。屏截橫流  
中。雲烟生蔽虧。水石相磨礱。龍飛高宗廟諱結岩腹。天龍嚴  
佛宮。初無剗木智。不與塵界通。曠莽天地間。勝事  
豈易窮。將謀乘興人。難此迎潮風。可信浮桴約。僅  
有由也。同我亦念行役翻。如征北鴻。他日一漁艇。

悠：浮玉翁

金山夜集招米芾元章不至作

辛未二月與二黃陳

章四子同賦余得王字

芳洲擷蘭珮。清夜棲寶坊。晚風駕飛濤。柱石搖長  
廊。微月逗簷際。助我燈燭光。黃童天下才。疊：陳  
與章。歌間險語捧腹屢。烘哄堂惜無杯中物。可以  
延楚狂。興闌半道去。浪學山陰王。明發吾將還。滄  
波渺相望。如何方外徒。漫仕煩官倉。端爾涼秋節。  
白雲來帝鄉。

廣陵山光寺夜集留別黃材昆仲

辛未二月賦余

得平字

維舟山光步却顧廣陵城十里春風外夾津芳艸  
生漁篷啣尾來媿爾故人情更卜連牀語禪房溫  
且清語闌夜自久淚燭剪復明撤樽兀相視酸涕  
流金纓我本山海士誤遭時網嬰出身而紀餘何  
等為浮名矧此一分首幾年當合并離憂如驚瀾  
蕩滂未易平踈親繫遠邇斯言出荒繪音郵無禁  
限勤訪白雲兄

儉

題崇勝寺無心庵

辛未六月京師賦

老雀依林表孤雲寓山間結茅窮釋子著身如許  
間有心即塵紛無心猶石頑有無心併置日暮客  
來還

和錢適德循寓懷二首

辛未七月京師賦時與錢鄰居

悠悠北山雲苒苒東門草紛吾起故居與邇即遠  
道巔崖博錙銖得不償所耗寄語鄰墻翁歲晚從  
吾好

魯酒味自薄楚歌聲更悲曾無忘憂用安事酒歌

為西風激商序流芳迫衰遲寄語鄰牆客茲非行  
樂時

題天清寺安上人北軒

辛未八月  
京師賦

南城繁音氏臺維昔孝王築歌吟寂無聞萬檻聯  
佛屋道人開北牖俯就百喬木八月鳴青蟬枕蛾  
委平綠客來借榻卧吹睡俄頃足疎雨隔斜陽垂  
虹跨長陸良游悵遲後回謝三更酷瘦馬尾華軒  
汗顏塵一掬昨非勿復道佳約猶可續載酒定何  
時新黃糝庭菊

感庭棗

辛未七月  
京師賦

昔來華纂之遽許實離之西風會搖落行復見空  
枝歲物感流駛事功傷暮遲咄彼身後名前人端  
自欺書殫南山竹奄之定何知賢哉張生翰千載  
與心期

送表侄趙子億之官滄州兼簡通守李延寧

李字叔永辛未  
十月京師賦

吾昔游浮陽童心初辨狂凌高瞰海日徑欲窮扶  
桑歲紀忽再周此圖竟莫償今適送子往臨風但

彷彿之子公族秀祖基維懿王成吾家宅相裂封  
復吾鄉汝翁同谷守視吾猶鴈行後生古所畏之  
子未易量筦庫方試吏事後須更平嘗譬彼汗血  
駒齒齋即騰驥是宜勤夙夜動虞三尺妨勿憚川  
陸遙千里如鄰墻勿計弦晦餘俛仰度三霜邊朔  
昔云苦今歌海隅康正賴別駕賢不減晉王祥依  
投得吏師行見售所長為吾語故人曩契想未忘  
願致雙魚封繼以一鷄章

夏夜雨晴遣懷

癸酉歲京師春夏厭雨吾  
居望春門東牛行街故西

樞渤海公之高齋嘉樹清風殊不知暑濕時  
卧病杜門每把書自適五月望雨始收霽疾  
亦少間因賦是詩

積潦被廣陌誰過牛僧翁門關養在瘵藥石收良  
工高齋俯嘉樹踈箔延清風左右列圖史披張俄  
一通從嗤獺祭魚聊學蠹書蟲坐挹古人語孰云  
吾道窮浮生夢境間不蒂之驚蓬生死猶物化今  
昔賢愚同分陰賤垂棘白日莫再中薄暮紛滓澄  
寥之還大空為問此何夕涼蟾生自東萊哉西園  
士聯蓋追輕鴻行樂以至斯不知息微躬側聆天

雞鳴凡耳初破聲吾從汗漫游  
澗景鞭垂虹濯纓咸池淵晞髮若木叢  
親串不我忘惠音赤鱗公長哦賦來歸閱爾世上雄

寄題栗亭縣名嘉亭

邑令趙洋更此新亭名取杜甫同谷紀行

詩栗亭名更嘉之句因其親能希邀求吾詩癸酉九月將扶疾東下感而為賦

少陵昔避地幽棲鳳凰川始願獲其所賦詩此終焉  
瞻彼美林麓蔭膏腴上田陽坡饒垂珠陰谷繁玉  
延長鏡勤采斲服食攀蜚仙兵侵奪和氣力耕無  
善年林垆開冰雪旬浹斷庖煙嗚呼歌七章暮

節西南遷環堵久蕪沒斯亭名尚傳茂宰愴懷古  
增崇殊過前雕甍揭長簾下容十客筵嫩嵐隔春  
叢清竹鳴夏蟬風月有高興寫之武城弦狂客屬  
庭廢駑筋難強鞭何暇遠登覽但哦鯨海篇尚苦  
八口累依佈全曩賢餘齡寄幻境未斷東西緣江  
淮米價平一舸去悠然幸此歲豐樂浮游吾所便  
異時訪陳躅復使後人憐

游盱眙南山示楊介

楊善方藥著書甚多癸酉十一月与之同

賦游

曉霜無輕颺長淮淨如眼招携南山游老子興不  
淺不從千步橋飛渡一漁舫中流鼓素楫魴鱖歛  
驚跳禪叟延游客匆々問行色千里遠京關浮驂  
去安適長嘯指滄浪濯纓湔我裳朱門曳裾地槐  
柳自成行多年困靴板未立中人產沈痼迫衰遲  
求田咄何晚神丸儻駐延投此寄餘年鑿室鄰楊  
氏然新繫太玄

酬別盱眙杜輿

其還時聞揚子江潮不應輟浙右之游將訪親於海陵因賦此告別癸酉十一月也

杜字子師方築淮上東山之居寄詩要余艤舟以待

君希謝太傅築室卧東山應携玉人去為問何時  
還扁舟欲之東霜落江潮慳難從京口渡且轉廣  
陵灣与君合復離恍若愁夢間嬰疾再寒暑醫師  
憐我頽頽齡未遽盡解組誓投閑幽巖有芳桂晚  
歲約同攀

留別龜山白禪老兼簡楊居士介

癸酉十一月癸

已邇風下淮晚次龜山白禪老見臨以歷陽之舊也因賦此詩以別

汴尾望龜山人煙了可數長淮斷音日風浩若干  
里阻舟無百石載兩腋憂雙艣鷁首盪頽波中流

幾翔舞維梢迫曛暮坎二禪林鼓曳錫辱來過依  
然識眉宇青熒燈火畔再得親軟語多慙晚聞道  
忠義夙自許剛腸憤激際赤手搏豺虎過壯纏百  
痾餘生託兒乳羸軀緩死假豈復勝冠組會約子  
雲孫西巖兩菴主

題海陵開元寺棲雲菴

寺即唐王屋禪師  
道場甲戌五月郡

守周開祖  
要余同賦

道人猶浮雲發彼王屋岑朝見膚寸合暮為四海  
霖造物一戲耳浮雲本無心永謝應龍台深棲雙

樹林蒼生熱惱地千載仰慈陰皎月示弦晦清風  
何古今誰舉甘露頌轟然海潮音支離病居士和  
以無絃琴

寄題潯陽周氏瀛溪州堂

周本江華人名  
敦頤字茂叔仕

至尚書郎累使嶺表中年投節退居潯城之  
南溪上因名瀛溪以自況二子壽字元翁燾  
字次元相踵第進士丙子五月余艤  
舟漢陽始與元翁相際求余賦此詩

瀛溪之水清未足濯公纓平生抱苦節成就此溪  
名長歎置符傳孤雲歸思輕溪頭四壁居溪下百  
畝耕量汲奉晨盥課樵供夕烹希逢杖屨游但聽

絃歌聲為客翦三徑傳家通一經雙珠交照乘合  
璧倍連城被褐有餘樂問鱣無隱情桂林兩枝秀  
借爾俗眼榮昔仰名父子今推難弟兄不應文範  
裔遽謂公慙卿如龍帶礪封母為權利傾地實寢  
丘比有力安得并勒詩高岸石敢告後代生

送周壽元翁西上

丙子七月賦余  
時卧病漢陽

露艸蔓前庭微蟲思明月宵分耿不寐懷我友生  
別舟師望箕宿綴幔須明發鷁首託歸風安知川  
路濶夫君青雲士行奉紫宸謁一鶚挾塵籠騫軒

散

應霜節仰追鸞鶴駕肯顧狐兔穴越客寓荒城卑  
棲慕鳩拙衰遲積疴瘵未死人事缺嬾製一緘書  
寄聲彼朝列方今百廢舉哀職補何闕每自幸餘  
齡江湖傲華髮躬耕固難強五斗代薇蕨摩腹遡  
南薰蒼生解煩暍

題陶靖節集後

丙子七月寓居漢陽  
手校陶集因題其後

淵明不樂仕解組歸柴桑朔風北窻下坦腹傲羲  
皇儲粟既屢空乞食何惶々有身即大患斯語聞  
伯陽願我亦多忤丘樊思退藏慙無辟粒術圭勺

耗官倉

補感遇詩

余熙寧元豐間嘗賦感寓十數  
詩久亡其藁丙子七月因曝藥  
紙得此篇半已裂去不能  
記遂補成之時寓居漢陽

猛虎未出柙擾如搏鼠狸蒼鷹方在韝孱甚伏卵  
雌狎戢以違禍孰云爾無知幸遭縱釋仁返謂人  
可欺豈復念前辱搖尾垂翅時擇肉斃儕類戕忍  
猶天姿吾將罪虞者奈何生致之南山有重阻鄧  
林無膠枝機穽與羅罟今也將安施

黃鶴樓

在鄂州使宅之西南隅唐閻伯程  
記云圖經載費禕登仙嘗駕黃鶴

返憇于此遂以名樓焉并見於神仙傳與述  
異記按蜀書傳本江夏郢人也為刺客郭循  
所害豈道家所謂兵解者歟  
丙子九月始登此樓因賦

登真者誰子昔有費公禕白日玉書下青天駕鶴  
飛此地少留憇神標悵依之振裾謝塵濁與爾方  
遠違層樓寵陳迹江山長四圍登臨美商素兩氣  
薄西暉水落洲紫嫩風豪帆背肥飄然起遐想琳  
館闕巖扉明月識悠澗白雲疑是非金桃未遽熟  
薤露虞先晞高樹而華表長招羽駕歸靈瓢五色  
劑定與遺民揮自願之仙質延生猶可希刀圭儻

不恡如飽首陽飢

鸚鵡洲

在鄂渚南浦上按圖經云因禰衡賦鸚鵡於此洲遂得名後黃祖殺

衡投尸此洲下胡曾詩禰衡珠翠逐江流是也丙子九月賦

鸚鵡隴下鳥能語奇羽毛羅罽巧相致瑠籠關鑷

牢長懷故園樹煙雨落空巢萬里遷澤國舟輿

勞正平託物賦健筆不停操千載訪陳躅晴沙

葭茨高珍禽不復見慨想若人豪處士起河朔英

風拔時髦文章儼墳誥俛就猶詩騷兒汝命楊孔

奴兵視劉曹奸雄可奈此束之投楚郊忤俗竟非

命惜哉時不遭非無擇木智天下方滔遺幹泯

魚腹浮魂誰復招近結屈平好佩蘭雜申椒遠慚

子胥烈怒氣翻秋濤空餘春草碧恨血滿江臯

懷寄周元翁十首

丙子十月江夏賦

周郎假沔官我偶來沔居得間定相遇談笑沈疴

祛俄聞戍樓角曉引吹吶嗚自君居湓城况六一

夢餘復求若輩人陶竈搜璠璣誠為天下士豈特

江漢無

周郎嗜茗飲偶与吾好同贈行發吾寶紫璧瑠雲

龍此實太官物分甘玉堂公我曹百石吏藜藿每  
不充詩人盍得嘗可以驕萬鍾願君間一歡千里  
共清風  
周郎塵外人冰瓠立寒玉去我千里餘炯々長在  
目有德且有言可采篆繡竹未為造物憐方狗斗  
筭祿司晨屬羣雞安事彼鸞鵠聊自況疲鴛盪車  
不為辱

周郎妙雅道五字可人師許与非不嚴奈何取我  
詩我詩如秋蟲徒增長年悲指痲固有望逐臭得

無嗤詩鳴人必窮我窮豈可宜願君勿閱此晚節  
益經奇

周郎歸瀛溪旱燥害嘉穀仰飽百指餘嗷然坐空  
屋應書乞米帖得繼朝來粥行陞大夫籍月賜萬  
錢祿振顯屬它年盤飧羅海陸毋忘佛子言不食  
大夫福

周郎西笑時疊寄兩函書情親語懇到骨肉所不  
如妙翰騁道放抵突黃与蘇黃癯曳羸筋蘇厚凝  
脂膚我於季孟間增少損有餘家雞敢復道儲此

橐中珠

周郎走王都馬足塵翻波賀老宦江夏無人驚雀  
羅出處躁靜間奈此貧病何平生解指誓晚境勿  
婆婆迫死不得休前言食已多尚敢厭閑冷歎為  
赴火蛾

周郎強仕年藥石甘苦口得無耗天和湯劑禦衰  
朽空華與色種之竟何有妄愛溫柔鄉蕩然不  
回首坐令松桂姿凋脆等蒲柳幸勿易斯言前車  
鏡湖叟

周郎有史才班馬可並驅紛之讒謔人畏君筆削  
誅我恨接君晚要亦君之徒沈痾積歲月顧此留  
須臾志我壙中石賴君文不諛庶乎陵谷變名字  
見君書

周郎貫江華而復厭湖湘我亦非樂此西歸計茫  
茫頽年抱沈痾生理豈得長後期真何時存歿兩  
莫忘懷君輒賦詩落筆聯十章它年一掩卷為我  
涕浪二

題武昌鄭判官直節亭

鄭名深字文通植  
竹開亭於官舍東

南陽名直節以自況丙子十月落成求詩為賦

開亭榜直節寵爾青琅玕歲晚傲霜雪不同天下  
寒挺立百丈夫被之古衣冠春華白粉澤正色莫  
敢干越客与登覽微吟復長嘆六鼇方抃戲雲海  
翻狂瀾儻逢龍伯公何憚翦一竿岐山鳴鳳雛久  
刷五色翰何以慰朝飢美實來加飡高材陋時用  
自持良獨難不願裁樂管伶倫非古官浪遭野王  
輩三吳為人歡願製殺青簡燦然漆与丹褒貶約  
魯史終古垂不刊願此託根地辱哉久泥蟠

弄

題潘大臨東軒

潘字晦老隨親官漢陽關公舍之東軒著書名左史

賦詩見寄因卷之丁丑八月江夏作

陳公少荒誕一室未遽掃事功竟何成老魅死不  
早潘郎治寓舍簞秃無遺蚤庭砌蒔蘭萱未霜除  
惡草明窓幕輕素朝日上杲二煙夢擢薰爐松腴  
浮墨沿著書枿魯史百傳見脫藁賊亂久逋誅吾  
方力窮討不應兩觀下僅獲少正外坐可驕素臣  
俾渠眸子瞭而翁晏退食筆削日課了伯仲詠南  
陔餘風颯林杪安知自娛適聊慰堂上老起居侍

杖藜寒燠躬煬澡昏定仰屋眠是中亦大好

賦 送咸寧陳令完夫移官吳郡 陳字保神丁丑十月江夏

蒿萊東郭居長者車成轍禮經尚往來豈為我輩  
設臨分懷出餞津遠舟速發十月鴈啼寒滄波洒  
微雪送君一樽酒孤飲聊耳熱會取屈平書商聲  
歌九閩開正到吳郡暘煖張燈節兩地見梅華相  
思不同折官閑羈縲 陳迹得搜閱虎去丘隧空  
燕驚宮火滅廊傾罷鳴屨蘭麝香逗絕逮 故時

人唯餘劔池月名城見圖繪丹墨殊滅裂細与賦  
新詩長封寄天末老狐首丘志客子敢忘越未死  
定歸東柴荆晝常閱右軍領妙語年大不堪別况  
復魚鳥情飛沈方此訣

和潘函老漢上屬目 戊寅四月 江夏賦

白雲蒙山頭清川山下流芳洲采香女薄暮漾歸  
舟並蒂雙荷葉逢迎一障羞持情不得語大婦在  
高樓

慶湖遺老詩集卷四

慶湖遺老詩集卷五  
近體詩七十二首

雨餘晚望

熙寧丙辰五月  
臨城賦

相應乳鳩鳴桑間返照明平津  
小舫度高壠一牛耕林藪歸心健  
塵埃病骨輕屈騷魂爽在未許獨  
君清

自訟

元豐戊午六月  
滄陽賦

朝聽鳴鐘出暮隨衙鼓歸朝之復暮之是之與非  
非跡寄升沈路言投禍福機何窮百年事端使一

心違

待曉朝謁天慶作

己未下元  
涇陽作

望曉謁琳宮  
荒庭霧氣濃  
曾陪羽林仗  
如待景陽鐘  
薄宦情無幾  
勞生夢不容  
樵朋與漁伴  
他日會相從

送李易初還汶陽

癸亥正月  
彭城賦

客宦愴離羣  
徐方復得君  
青衫初試吏  
白面頗能文  
畫舸浮春水  
清樽醉舞裙  
它年會相訪  
分卧北山雲

重送

張澤樂郊皆汶  
陽游燕之地

夾岸雪初消  
青二見麥苗  
傳聲汶陽客  
已解木蘭桡  
春水生張澤  
春風動樂郊  
良游知不負  
回首念無聊

春書

癸亥二月  
彭城賦

新蠶經浴罷  
舊燕未來前  
吏局坐如夢  
物華行可憐  
藻生南浦釣  
雨足東臯田  
故國負歸約  
塵埃年復年

擬溫飛卿

甲子七月  
代王文舉賦  
彭城

露網朱甍上風簾翠瑣前宿衾熏齒齒朝鏡拂漪  
漣津潤銷金筆香依撲粉綿度閑雙陸子撥恨十  
三絃鸚鵡盼勤語旃檀委曲煙鮫綃乾玉筋魚鑰  
限金蓮團扇訓桃葉烏絲代杏牋朱門長宵白  
馬自翩二難釣三珠樹徒拋七寶鞭酒闌應有待  
夢破即無緣信鵲新秋去孤蟾後夜圓浪言墻外  
地的是洞中仙

快哉亭朝暮寓目二首

夙起喜舒曠徑趨城上樓初陽動禾黍積雨失汀

洲水牯負鷓鴣山樞懸括萋坐慙真隱子物我兩  
悠二

積潦際危堞登臨西照中苔衣罨白羽槐蔭懸青  
蟲不淺胡床興無多團扇功目窮猶起羨演漾一  
漁蓬

題張氏白雲莊

壺城張謀父居泗州之東  
山耕田數百里中擇爽塏

列樹松竹結茅其間陶曰白雲莊甲子九月  
置酒招予与寇陳玉李四子酒酣賦詩余得  
字雲

江左陶徵士高風昔所聞應慙五株柳難比一溪

雲我有乘桴約君方植杖耘悠々竟何得晚歲盡  
同羣

賦得枕上聞鴈

用天字甲子冬至  
日寇元弼席上賦

朔吹飄驚鴈寒聲徹枕前遠違沙漠雪不下汶陽  
田客夢愁中夜歸期隔故年萁苔与菰米何處是

湘天

和人游白雲莊二首

乙丑正月晦日与余  
鄉段詢慎從李成父

寇元弼步出彭城之上洪門泛舟訪張謀父  
於白雲莊晚歸皆被酒段集古人句成二首  
示同遊余因走筆和之以送謀父後旬餘慎  
從感疾物故張復出是詩使人泣歎彌日

原野正春風登臨一醉同陰晴時未定今古思何  
窮山勢落還起溪流噎復通隱君方自得可羨爾  
冥鴻

可愛白雲翁前溪樣釣蓬耕樵一逗下井臼四鄰  
同倦宦終何得餘生寄此中預煩多種秫毋使酒  
杯空

早夏

乙丑彭  
城賦

吏後初無補端令樂事妨不知春遂去但愛日何  
長薄雨梅含核温風麥擢芒須容退食暇一枕夢

吾鄉

辭酒

乙丑正月 彭城南臺席上賦

魯酒一樽薄吾愁萬斛多  
塵埃斬馬劍涕泗飯牛歌  
髀肉生如許顛毛黑幾何  
功名可復道身世兩蹉跎

送陳傳道攝官雙溝

乙丑六月 陳發彭城棧舟漢祠下者累日

余方抱疾不遑出餞因賦是詩

弭節想登臨閣雲護日陰  
青蒲泗水濶古木漢祠深  
應醉杯中物誰聞澤畔吟  
禪坊養病客輕別若

為心

游滕縣時氏園池

乙丑八月賦

珍重西園主開門待子猷  
城隅樹交蔭樓下水通流  
鷓鴣鳴深竹蜻蜓駐小舟  
可能忘夢想塵土滿徐州

自鄆還徐道中

乙丑八月賦

八月過新雨行雲弄晚涼  
山川乍明晦禾黍半青黃  
西去真何事東還非故鄉  
悠悠塵土裏無路不  
亡羊

早發王村道中寄李智父 乙丑八月賦

雞鳴戒徒御驅馬度前陂得雨人耕早邊山日上  
遲罷休何復道會合邈無期賴有西來水悠三慰  
我思

暮投葛墟馬上 乙丑八月賦

旬浹走千里塵埃如有綠慙無季子印可換洛陽  
田廣澤鴈行去荒山雨脚懸長亭猶未見疲馬不  
勝鞭

汴渠夜泊示畢紹彦祖 元祐丙寅二月永城賦

耿二度中夜浩歌誰與酬屋頭風罨岸桃底浪滋  
舟春物行飄忽鄉心久滯留須明投吏部一醉驛  
西樓

丙寅舟次宋城作

水館四邊村登臨奈斷魂黃花開小徑紅粉哭高  
原舟檝逢新火松楸老故園斜陽一千里依約是  
蘇門

京居感興 丁卯正月賦  
時領將作屬

為問長安客何人識要津長持一馬箠浪走六街

塵城闕煙中曉關河雪後春故園桃李在樽酒願相親

玉津晚歸馬上

丁卯清明京師賦

落日南城陌東風禁火時醉醒皆自得單袷正相宜綠樹侵高閣繁花洒曲池未應判節物可奈故園思

西城有懷舊游

丁卯七月余以將作屬日至瓊林金明督察營繕偶

懷陳迹惘然因賦是詩

西郭天泉里依二得舊游綺羅紅艾曉絲管萬蟬

秋柳礙鞦韆陌萍沈被襖舟華年勿復道誰為駐東流

苦竹村南馬上

戊辰四月晦日歷陽賦

楚澤薰風後林臯夕照間漁船沿綠岸鳥道轉荒山久負杯中樂長偷馬上閑悠二白門路何日杖藜還

題諸葛嶽田家壁

地名諸葛亮嶽在烏江北八十里与江南石頭

城相望戊辰九月賦

晚度孔明嶽林間訪老農行衝落葉遥坐聽隔江

鍾後舍燈猶織前溪水自春無多游宦與卜隱幸  
相容

酬桂林從叔

江到三湘盡山圍八桂深龍蛇寒下蟄霧露晝多  
陰迢遞馳梅信慇懃訪竹林淮南風土美留滯亦  
何心

寄金陵倉官趙令翬通宜

趙諸王孫戊辰  
十二月歷陽賦

歲律條云莫王孫興可堪羨雲歸日下隨鴈滯江  
南卑濕求長健登臨賴半酣西州眼中近早晚寄

華緘

懷寄潘孝本兼簡其子言

潘字景仁時遊  
宦嶺外己巳正

月歷  
陽賦

春色先梅嶺秋聲後桂林溪通五羊險雲近九疑  
陰無鴈難逢信有猿能伴吟一樽燒酒羨應對阿  
戎斟

送張商老西上

張名夢臣吳郡人  
己巳九月歷陽賦

霧氣斂波澤鼓聲催客航蕙葭靡宿露鶴鵲盤朝  
陽行役自茲遠離愁安可忘黃華一樽酒何處望

吾鄉

題烏江東隆山鄧氏亭

己巳九月賦

逋客今何許空餘接隱亭舟隨潮水上門背夕陽  
肩兔策塵生蠹漁蓑雨化螢題詩巖下石聊代艸  
堂靈

登烏江柏子岡懷景仁

己巳十月賦

驅車柏子岡引首東南望孤戍帶寒日長江流大  
荒故人越五嶺旅鴈留三湘好待春風暖相隨還  
北鄉

宿黃葉嶺田家

己巳十一月烏江縣賦

聚落荒山裏畬田歲不登牛衣障隙雪鼠穴見鄰  
燈愁信魚難暝寒凝酒亦冰悵然歌白石推枕待  
晨興

游六合定山真如寺

達摩第一道場己巳十二月賦

隻履西歸遠何年此布金地寒蒼檜老歲晏白雲  
陰燒隔溪水斷樵穿雪徑深祖心無處問俗駕晚  
駸

同道通師之香林馬上

庚午正月歷陽賦通喜為詩從吾游

甚久

冰霜節候遲淮楚早春時白草風頭急黃雲日脚  
垂鳥聲投古戍馬力倦長陂吾有官箴長勞生爾  
浪為

題烏江丘氏昆仲歲寒亭

植柏亭下故命是名庚午正月

賦

新甫移根遠蒼然對兩翁閉門三尺雪仰枕一亭  
風東郭顏何厚西來意莫窮未應輸狹小釀酒待  
春叢

送左禹赴江夏尉

左字塗叟庚午四月烏江賦

泛之青翰舟亭之黃鶴樓江山信清麗人物想風  
流美酒遣婦思新詩題勝遊有魚知不食端作置  
書郵

高望道中

庚午五月烏江賦

積雨漲陂塘田塍揮晚秧遠山宜薄莫高燕弄微  
涼馬革非吾願魚殮饜此鄉歸期知近在猶待菊  
華黃

湯泉道中

庚午七月烏江賦

青石岡西下靈泉產藥苗山英如有待木客可相  
招蟬帶風移樹塵隨馬度橋颺鞭吟舊句歸路不  
知遙

留別王掾元胥

庚午十二月  
月歷陽賦

之子貫東牟青衫試宦游顛非小賀比爽自阿戎  
流未即芸香拜俄先瓜戍秋孤蓬別夜思霜月滿

滄洲

樣舟當利口待風累日懷寄城中朋游二首

庚午十二月  
月歷陽賦

一葉寄津口怒濤安可乘朝風占酒旆夜爨乞漁  
燈牛渚逢新月秦淮想結冰故人它夕夢歌吹滿

金陵

離憂不可解羅酒獨登臨潮落江空潤雲繁歲晏  
陰愁鴟守漁罟怒犬突林觸目增悽斷聊為澤  
畔吟

重別王掾

庚午十二月六日自歷陽當利  
口放舟至沙夾王元胥載酒旋

訪別因留宿不  
發賦此詩以贈

別話難遽了不知寒夜長回燈撤杯案抱被宿船

倉載聽遠雞唱稍分征鴈行臨風滿掬淚吟落一  
衿霜

投宿清涼寺

庚午十二月望日自秦淮亭  
信馬出石城門賦

建業衣冠集秦淮舟楫屯東西萬里客朝暮兩潮  
渾何處契心賞片時清耳根僕夫浪見問但出石  
城門

金陵懷寄歷陽王掾

庚午十  
二月賦

征虜亭邊路望夫山下舟長江不隔夢明月祇供  
愁促席歌塵斷閑寔醉墨留惜芳橋畔柳誰繫木

蘭舟

秦淮夜泊

辛未正  
月賦

宮柳動春條秦淮生暮潮樓臺見新月燈火上雙  
橋隔岸聞朱箔臨風弄紫簫誰憐遠游子心旆正  
搖

鍾山法雲彥上人留中食罷游卹堂寺

寺即周顒故居辛  
未正月金陵賦

弭檝秦淮尾登臨興迴難消蔬飯飽更過草堂  
來日轉巖扉暝風披蕙帳開吾非海鹽令猿鳥莫

相猜

酬別法堂彦上人

辛未正月金陵賦

將別鴈門師殷勤訪所之  
江湖懷北闕鷗鳥戀南  
枝朝隱非吾所山英不汝欺  
明年東下約春水漾蘋時

易官後呈交舊

辛未九月京師賦

當年筆漫投說劍氣橫秋  
自負虎頭相誰封龍額  
侯聊辭噲等伍濫作詩家  
流少待高常侍功名晚  
歲收

辛未龍興節日懷歷陽王掾元胥

昨歲是日余解

舟渡江此詩京師賦

昨歲東溪口扁舟欲下江  
伴愁燈映幌欺睡月侵  
牕湯寄書連紙誰同酒一  
缸何當見之子聊使我  
心降

廣津門東馬上

壬申二月京師賦

津頭落帆鼓薄暮尚蓬蓼  
疑是秦淮口扁舟醉夢  
中不堪隋岸北塵土一鞭  
風傳語端能否伯勞飛  
自東

自更久病寄二三親友 壬申八月 京師賦

早昧攝生理百勞戕至真藥靈翻佐病詩癖竟窮  
人終負黃壚恨長遠白首親一囊安可得四壁未  
應負燈下塵編淚風前墓草春倘忘雞酒設腹痛  
勿多嗔

秋夜聞雨晨興偶書 癸酉八月京師賦 時欲扶疾東下

故國心馳北扁舟計漫東寒生一夜雨病涉兩秋  
風落泊籬根葉幽憂屋角蟲何情悲節物聊自況  
衰翁

謝米雍丘元章見過 米名芾癸酉八月京師賦

今古兩妙令雍丘与太丘當時號清白後日想風  
流吏鼻庭陰午農歌野色秋吾非荀氏老愧爾德  
星留

留別米雍丘二首 米辨博有才具著山林集數十卷為人知者特

水滸書學而已清狂多忤嘗上章授余祠史之請不報輒已因以激之癸酉十月雍丘賦  
明釭通夜語累塊寫胸中水癖推劉令書名洗魯  
公忌猜悲廩鼠逐熱賤雲鴻不乏佳山水東南著

兩翁

好住楚公子山林何處逢官身須自乞俗眼可相  
容叔夜嬾猶鍛伯鸞慵且春多慚方祿隱爾汝傲  
吳儂

寶應夜泊

癸酉十月  
二月賦

伏枕漳濱後維舟楚澤邊筋骸非壯日節即物迫窮  
年夜雨侵牀漏晨炊湊鼻煙勞生我其分十口亦  
飄然

題甘露寺淨名齋兼寄米元章

米舊嘗居  
此齋甲戌

九月晦  
京口賦

日出天垠露江橫地軸分馳年悲落木羈思託孤  
雲重掃淨名室長招滂仕君悠々德璋輩未辨勒  
移文

龜山晚泊

乙亥二  
月賦

春候半寒溫維舟淮上村長林補山豁青州際潮  
痕久厭浮家後重招去國魂禪房欲舒寫烟雨促  
黃昏

歲暮舟居卧病懷寄金陵和上人

乙亥十  
二月盱

昭淮  
上賦

野泊歲云暮念歸期更賒津童為過客商船是鄰  
家雪密魚依罟潮迴蚌委沙南州人健否不寄早  
梅花

寓泊臨淮有懷杜修撰  
丙子二月賦杜公名絃去歲總漕於

此屢開燕寶訓堂

幕捲歌鬟列堂深蜜炬然臨風鳴羯鼓待月戲鞦韆  
短韻吟牋出長簷醉帽偏斯人違薄俗何減益  
公賢

舟發金陵望歷陽作  
丙子四月賦

尚識歷陽道依然西照間風煙石磧成林蘆楚王  
山隔水一凝佇當年百往還誰憐驩馬客衰病再  
投閑

江南寫望  
丙子四月當塗道中賦

斜照侵疎箔微涼逗小窻青蒲故依渚白鳥屢橫  
江遣興詩三百煎愁艣一雙前舟定未遠疊鼓聽  
逢

郎官湖  
按李白詩序云乾元歲流夜郎遇故人尚書郎張謂使夏口沔州杜太守漢陽王令觴於江城之南沙張公四望超然請白標之嘉名白因號之郎官湖席上

文士輔翌岑靖以為知言今所謂郎官湖者  
占郡城之北東于兩山間縱廣百許步固不  
足四望而超然也已知其非是且郡南瀕江  
之人持南唐時地券尚指郎官湖為鄰蓋湖  
為江水所并而去城里餘猶有洲渚隱然未  
泯乃湖之故防也余丙子五月舟次沔陽求  
訪遺老始得其詳  
因賦此詩志之

當年賢守令載酒沔南游涼月呈新霽明湖涵素  
秋郎官夏口使仙客夜郎囚促膝青螭舫連觴紫  
綺裘高權隨雨散餘燭想風流芳艸失青履滄波  
浮白鷗江吞百頃盡石刻一篇留宜有沈碑者前  
懷陵谷憂

題寶泉官舍壁

寶泉監在夏郡城東三里  
黃鵠山之陰丙子八月到

官後  
賦

偶著強名字非才但鑄金不妨稱外監況復住山  
陰勝日聊披卷清風故解衿餘生偷祿隱何等是  
升沈

江夏寓興二首

前篇丙子十二月賦  
後篇丁丑五月賦

風与檣鳥便儂先塞鴈來山經七澤斷潮自九江  
回漁父猶知隱騷人在衙才朋游正相遠梅信為  
誰開

陂湖盛坊市江漢復縱橫沮洳莎城沾晴暘竹瓦  
鳴新文添鴈賦異味識鼃羹豈復悲流落官糧寓  
此生

九月十日寄潘邠老

丁丑江夏賦潘嘗許  
中秋重九渡江見過

竟不至因  
以誚之

明月昔如許懷人殊不來徒歌桃葉曲又負菊花  
開尺紙緘愁去扁舟載夢迴它年雞黍約千里信  
悠哉

送蒲圻陳主簿彥昇歸越

陳字登之丁丑  
十月江夏賦

好在稽山北目君訪故園風流久衰歇湖水自清  
渾可得千秋觀相傳百代孫時聞祖行客不減漢  
東門

送金壇慎令獻

戊寅巳月江夏賦慎字獻  
玉年少寡欲奉佛甚嚴

清素復多聞天涯晚得君相延蒲塞饌細演貝多  
文世味淡如水身謀散勝雲滂為花縣約聊慰此  
臨分

寄題盱眙杜子師東山草堂

丙子二月臨  
淮賦偶亡之

庚辰十月再道臨淮復得  
於子師目附卷末

東山與物遠松竹蔭茅茨信有冥鴻志難藏霧豹  
姿會招安石起何患德璋移後日巖扉下游人想  
履綦

慶湖遺老詩集卷五

慶湖遺老詩集卷第六

近體詩長句 五十首

上巳有懷金明池遊賞

熙寧乙卯  
臨城賦

西城小雨宿塵消春水溶。拍畫橋拾翠汀洲白  
蘋發披香宮殿紫雲高采舟日晚倚羅醉油幕風  
晴忽管焦俠少朋遊應念我一年佳賞負今朝

贈張士元

張字善長善為詩  
丙辰十月臨城賦

夫子長貧五十年。來生事更茫茫青衿稚子彼  
何有白首故人誰見憐霜後鶉衣寒位線日高魚

釜凍無煙冗官猶愧蘇司業不得時送酒錢

雨晴西郊寓目

丁巳五月趙郡賦

城中厭雨過清和偶出西郊野思多  
蠶簇趁晴初摘蒲麥場經潤欲生蛾  
營巢黃鳥啼深樹引犢青牛飲莫  
河老圃念人留終久挽衣沽酒願  
相過

寄周文清

周時流寓海陵丁巳八月趙郡賦

節物驚心不我留故人相望海邊州  
芰荷老盡池基晚鴻雁來多雲漢秋  
誰共清尊尋樂事獨將長幅寫離憂  
明年芳艸青門道好試青衫伴俠遊

寄王岐

王鉅野人黃州曾孫熙寧初京師朋游也字夷仲戊午滄陽賦

未從名宦兩蹉跎可但詩狂與酒魔  
紫陌塵埃日馳逐青樓燈火夜經過  
當時豪縱年方少今日疎慵病更多  
惟見僥闌復款枕往來方寸奈情何

和荅鄭郎中見寄

鄭臨城人名淵字鄰矣登進士第仕至職方郎

中年垂七十即謝事居近泚水自為泚川逸老性嗜詩雖老不廢與余誦唱累數十篇既來滄陽後有詩見寄因和荅之余詩因他人韵者皆不取特錄此篇欲見斯人於集中耳時元豐己未重陽日賦

客子由來懷故鄉蘇門冷落白雲旁  
夢隨夜月鐘

前新詩入秋風草共荒操板鎌靴游宦厭開樽揮  
塵舊歡長泚川逸老應相念為倚闌干向夕陽

和田錄事君義咏雪

己亥十二月  
滄陽賦

千里龍沙失舊荒四來雲物助蒼涼直疑見月應  
無影未必因風始解狂枉費鉛華 楚女不禁湯  
餅試何郎同中自是人間世惆悵龜臺去路長

和田錄事新燕

庚午三月  
滄陽賦

新巢故國兩依依二似與春華秋葉期雨過地塘得  
泥近日高臺榭卷簾遲秋千節後初相見被袂人

歸有所思雙侶多情擬憑仗小牋封就碧雲詩

冠氏縣齋書事寄滄陽期游

魏之西園在  
滄陽南漳水

上辛酉  
四月賦

小閣燒香麝 濃翠苔庭院綠陰風卷簾燕自雙

飛去歌枕人方半夢中秋鬢先於懷縣令春愁多  
似義城公西園酒伴無消息欲寄魚牋水自東

冠氏寺居書懷

辛酉五  
月賦

古刹荒涼晝掩門鳴雞吠犬接西村窗間自記曾  
歸夢樓外誰招欲斷魂漫汗新詩題琬琰少逢佳

客佩蘭蓀更堪愁肺經春病負爾商歌酒一樽

題彭城張氏放雀亭

亭前石刻蘇眉山跋文唐之陽春亭故址

在徐城之東薛能尚書有詩見集中士成九月賦

曾見君家亭上碑東望風月動閑思昔無卜築如相待今遂登臨是不期萬頃白雲山缺處一庭黃葉雨來時許昌應負重泉恨當日陽春枉賦詩

九日登戲馬臺

士成彭城賦

當時節物此山川倦客登臨獨惘然戲馬臺荒年自久射蛇公去事空傳黃華半老清霜後白鳥孤

飛落照前不與興亡城下水穩浮漁艇入淮天

九日呈李成父

癸亥彭城賦

城中霧雨曉冥坐失城頭百尺亭行樂固知非我事苦吟猶得有君聽未應白髮饒新貴任使黃華咲獨醒異日肯尋雞黍約太行長統故園青

題彭城南臺寺蘇眉山詩刻後

癸亥十月徐之走卒

還自京師誤傳蘇黃川被召南臺寺公舊題數詩先摹刻諸石因賦此書其右

空石上前誰進子虛辭東坡廩庶同三徑西掖雞

鸞占一枝獨有野僧違一俗翠珉新勒旧題詩

春懷

甲子二月  
彭城賦

東風吹雪陰復晴西日冉。林間明着水苔衣漸  
涵綠向陽竹鞭初引萌官糧得飽酒不足春物有  
意人無情馳書相謝五陵俠汗板塵鞞今半生

登快哉亭有屬

甲子三月二十五日登快  
哉亭偶聞舟中吹揚華者

有懷京師  
昔游因賦

南浦東風拂水文汀洲芳草綠羅裙  
桃花旧葉應相望揚葉新聲我獨聞  
酸鼻可憐香欲絕斷腸不

待酒初醺斜陽歸去書牕下一幅蠻牋賦夢雲

和彭城王生悼歌人丐

丐：馬氏善書  
梁文粹南基即

鳳皇原也生賦詩十篇因  
和其一甲子四月望日

東園花下記相逢倩盼偷回一笑濃書簾尚絨香  
豆蔻鏡奩初失玉芙蓉歌闌燕子樓前月魂斷鳳  
皇原上鐘寄語虞卿漫多賦九泉無路達魚封

臨汲亭送客還馬上作

甲子九月  
彭城賦

衣。塵埃与願違可堪持酒送將歸壯心已服驚  
駘老羈思常先鴻雁飛十日無厭太倉粟四鄰分

米故山徽何時偃卧柴桑里自詔淵明昨日非

送陳傳道攝雙溝成商稅

乙丑六月  
彭城賦

墻外長川擁萬舟門前山色入南州風來浦口客  
爭發日下庭陰印未收乍厭折腰從吏役屢應回  
首念朋游病夫頗有東流興預約清樽為少留

送彭城周主簿建中移黃縣令

周字元通  
乙丑七月

賦余方  
抱疾

客宦逢迎泗上州酒籌詩卷慰淹留九層燈火偃  
王塔四面溪山彭祖樓此衣君辭棲棘地年來吾

有負薪憂終期一過河陽縣相對春風話舊游

寄題秋丘李偉官舍東齋

李字子微新葺  
東齋成有書札

詩因次書中韵以題之  
乙丑七月彭城賦

樹竹開窗小屋東  
位簷却日竹通風  
長年馳騫欲何往  
終日退藏於此中  
未厭睡魔常有在  
若思人事即無窮  
躬耕不是悠悠計  
來作蘇門鄰舍翁

病後登快哉亭

乙丑八月  
彭城賦

經雨清蟬得意鳴  
征塵見處歸程病  
來把酒不知厭  
夢後倚樓無限情  
鴉帶斜陽投古剎  
州將野

色入荒城故園又負黃華約但覺秋風騎上生

送李宗古錄事謝病南歸

李字從己乙丑八月彭城賦

十旬病免謝雞群收得閒身付白雲南浦少留

別賦北山相待敢移文松舟桂楫曉將發菰菜鱸

魚秋未分異日有懷長笑客西飛燕子一相聞

汶上留別李智父

乙丑八月賦

一馬西投汶水濱自駕愁鬢帶塵紛秋風盡日吹

黃葉心事經年寄白雲公笑尺書勤訪我醉來樽

酒強辭君北窗絡緯寒声急明夜傷心獨自聞

會陳傳道

陳以余領寶豐錢官每有願監之呼因賦此詩戲為會乙丑九月

彭城作

吾家季真登大蓬我為斗筲來寶豐公乎時以監

呼我自笑名同實不同樽酒相望今夜月鱸魚又

負一秋風少須婚嫁忽畢會買扁舟下浙東

懷寄寇元弼

時寇官荆山成乙丑九月彭城賦

君投莞庫可知非我飽官糧又願遠蒔國秋高鴻

雁過長淮水落白魚肥西風吹夢端相覓南物留

人也念歸何日蘆軒下雙榻滿持樽酒洗塵机

招寇元弼兼呈白雲莊張隱居

乙丑元日  
彭城賦

長缺：歸來乎十日相厭淮南魚游宦非圖飽  
而已浮生且問樂如何定無佳客清尊酒賴有古  
人黃卷書我亦塵埃同病者與君長媿白雲居

富王文舉

王詩有竹倚面青山相並兩  
茅屋之句乙丑九月彭城賦

注：塵土欲安之珍重吾人箇處期綠野相隨一

藜杖青山正對兩茆茨自憐惶愧負平昔尚敢婆

娑臨算遲第恐行我猶喜仕它時不與五君詩

題淵明軒

陳傳道葦双溝官舍瀕水之北  
軒索名于我因命曰淵明軒陳

即日去職余高斯人為賦是詩  
寄題軒上乙丑十月彭城作

淵明新榜揭門楣夫子高情俗不知未仰秣杭供

歲計本於松菊有心期卧來不淺義皇興歸去何

慚御里兒窗破簷傾從此始祇應風月解相思

將發彭城作

元祐丙寅  
正月賦

四年吟笑老東徐滿目溪山不負渠得米徑須償

酒債有田便擬卜吾廬烟朝門外扁舟雪別夜燈

前滿紙書會向匆解携客相思命駕宜何如

留別張白雲謀父

丙寅正月  
彭城賦

漫

三年官局冷如水炙手權門我未能  
賴與白雲之  
隱者不談黃卷即尋僧  
蕭蕭簾箔風披竹草  
杯  
盤雪洒燈塵土浮游漫相遠  
吳魚燕雁兩難憑

留別寇定

字應之元弼光子  
丙寅正月彭城賦

不見步兵今一秋年來復與仲容游  
蒼顏白髮慚

衰莫

衰竿縱飲狂歌作華流  
顧我官情真漫浪為君行

計幾淹留能尋三月皇州約  
拍手同登賣酒樓

永城邂逅周元通再索詩贈別

周將海道  
之官黃縣

丙寅二月賦

陳

汎汎流萍家二蓬  
偶然南北偶然逢  
一尊過濟橋

邊酒兩夜臨灘驛  
外鐘行美風波宜尚慎  
歸武塵

土不相容事功早立  
須知退學稼  
它年訪老農

寄題泉南石步雲亭

永城主簿陳琳字  
伯儒居泉南之東

山有亭石步雲出園  
求詩於余丙寅二月賦

紫翠峰前水一灣  
趣亭微徑白雲閑  
漁樵不見携

節去猿在相隨  
采藥還映月帶潮來  
海上春風吹

雨到人間恨  
君軒為蒼生起  
曾得東山幾日閑

題永城縣園水亭

丙寅二月賦

詰曲池塘碧玉流，  
禊亭孤占小汀洲。  
長鈎座上芳蘭佩，  
不繫簷前畫鷁舟。  
好泛羽觴循舊事，  
為書蕪紙記清游。  
李真待得東還日，  
初見紅蕖十畝秋。

同畢紹寓泊永城招李深昆仲

畢字彥祖  
李字道源

丙寅二月賦

滿城楊柳正繁榮，  
幾處秋千出短垣。  
經雨河流失清淺，  
帶雲春色乍寒暄。  
從來嵇阮耽琴酒，  
况得機雲好弟兄。  
咫尺津亭望齊館，  
杖藜相過莫辭頻。

送畢彥祖先之京師

丙寅二月賦

日：東風吹早雲，  
弄鞭位帽送西隳。  
客亭五里復十里，  
春物三分今二分。  
但解征衣平酒債，  
莫隨肥馬作塵紛。  
扁舟不及清明約，  
紫筍朱櫻未負君。

將發永城留題李氏齋壁

丙寅閏月賦

匹馬扁舟寄此身，  
可憐投老尚迷津。  
黃塵是處隨游子，  
明月相逢即故人。  
東道梨樽能惜夜，  
西園花絮欲傷春。  
分携後日多：去燈火虹橋夢更頻。

京居春日遣懷

丙寅閏月賦

青梅小葉柳長條，  
相對春風各動搖。  
物色依然如

有待人情忽，自無聊五陵。劍俠知誰健，三徑車  
上不我招。好去廣津門，下水新秋穩。送木蘭梳

送趙令時之官陳州兼簡周文清

趙字景  
越懿

王立孫時恭僕射鎮淮陽  
丙寅十二月望京師賦

朱衣白面鸚，王孫好去淮陽事。相君已放扁舟下

南浦，更將尊酒醉西曛。青雲計自此行始，明月惜

從今夜分。擬仗短書裁不及，但傳窮達報知聞。

沛上有懷李易初

丁卯三月京師賦時余  
請罷大臣屬為淮南行

何處經行特惘然，津頭曾送木蘭船。桃花春水生

前夜揚柳秋風憶，故年驛路尺書疑。斷絕官倉斗

米，愧苗連飄飄。復作江湖計，從此長安是日邊。

酬宗室令亭惠墨

今亭宗景道丁卯  
四月京師賦

麝煤新劑黝而堅，誰謂奚生法不傳。信是文房希

代寶，益知公子過人賢。蔡中郎老喜飛白，楊執戟

窮耽草玄。雅意官要瓊玖報，十九聊以助吾顛。

陳苗南城馬上簡李公年

李字之茂戊  
辰二月賦

南郭何人卜築幽，平田高樹帶清溝。隔墻野鳥啼  
晴晝，駐馬行人照白頭。二頃難尋歸老計，一尊宜

費

結採春游步兵不惜供厨寶更作東風數日留

寓泊金陵尋王荆公陳迹

戊辰三月賦

晚泊扁舟一問津依然節物思羈人江山月照六

朝夢桃李風吹三月春完枕謝公整下路詩尋蕭

寺壁間塵可須尊酒平生約長望西州淚滿巾

答孫休兼簡清涼和上人二首

孫岐山人字安之戊

辰三月邂逅于金陵清涼寺休詩家流以兩篇見投因答之

聲迹相聞忽此逢杖藜蕭散一相從平生詩酒真

吾事何處江山不介容芳草自生南北路孤雲難

繫往來蹤異時荒成長回首風送石城樓上鐘

渭北人游楚水東論詩說舊偶從容御闕此日幾

多遠春酒與愁相勝濃且免牛衣愧妻子莫將羊

酪說吾儂哀王孫賴弥天釋官學揚州餘後鐘

春懷有寄代周行作

戊辰三月金陵賦

未應一笑為千金且解尊前綠綺琴歸雁不將書

北去行雲長伴日西沉楚蘭往遠飛黃蝶湘水蘼

空對綠陰無復賞心酬節物斷腸翻咏白頭吟

送潘景仁之官嶺外兼寄桂林從孫

戊辰三月

同

金陵賦

夜銜舟尾畫聯檣齊發都門到楚鄉我欲塵埃投  
衣：君方湖海志：傷心客路逢寒食回首家  
園但夕陽想見步兵應訪問仲容無復竹林狂  
同王克慎宿清涼寺兼示和上人孫安之

臣

王字周臣寺有白雲  
上方戊辰三月賦

六代風流不可尋石頭勝槩古猶今疎鐘谷響江  
山迴啼鳥忘形松竹深借問白雲誰卜築擬要烟  
月共登臨終投逸少興公社蔬粥麻衣事道林

答王拙見寄

王字周臣寺有白雲  
月石磧戊辰五

好在金陵王隱君尺書忽与我相聞尊鱸久負秋  
風約猿雀終尋旧日群橫笛卧吹南浦月杖藜笑  
度北山雲六朝陳迹何須問一曲滄浪酒十分

度湖遺老詩集卷第七

近體長句下五十首

寄別僧芝

為京都之游既相別  
九月邂逅于烏江湯泉仲祠將  
馬上賦此以寄

吳僧法芝字暈秀姓錢氏戊辰

不見江南湯惠休芝錢今也嗣風流燒香弄筆一

生事躡屐佩囊千里游乞酒未還黃菊晚擬詩初

就碧雲秋臨高跋馬君行笑從此安期始欲愁

度黃葉嶺懷寄清涼白雲菴主

戊辰九月  
烏江賦

黃葉嶺頭黃葉飛白雲菴畔白雲歸葉隨游子終

相失雲伴禪僧得所依  
會解腰間斬馬劍  
肯尋江上釣魚磯  
焚香掃地雙林下  
願贖今生種  
非

與張歷陽追懷從禽之樂因賦

戊辰七月

宜秋門外養鷹坊  
好草坡頭射雉塲  
油幕壇庠張野飲  
錦袍貂帽結戎裝  
興闌落日黃塵歇  
夢後西風白髮長  
誰念江湖獨流寓  
此情難話與漁郎

歷陽姚

下馬上月懷京都游好

十月晦日賦

楚澤初冬正穫田  
孤鴻欲下却翻然  
人烟隱約青山郭  
雲物離披小雪天  
送別杯盤猶昨日  
勞生鞍

馬遂窮年故人多  
在金閨籍誰念心如寸斷絃

烏江石鼓蒲晚望有懷故園

戊辰十一月賦

山色相銜類太行  
江流東去六渾黃  
鱸魚膾美招來客  
鴻雁書遲夢故鄉  
五斗月支何足道  
一帆風便可能忘  
歸田有計非今日  
莫把移文揭草堂

登烏江寶泉寺南山望金陵作

己巳三月賦

我愛金陵望不厭  
獨尋微徑躡晴嵐  
柔霜殘州三月尾  
踴堦飛樓一水南  
苒苒流雲牽仿像  
遲艷日助醺酣  
何須拊手歌桃葉  
已覺王郎思不堪

烏江東鄉往還馬上作二首

已巳七月賦

黃塵隨馬染征衣十里江皋送客暉  
廢井草荒甍 甍怒下田沙漲芋魁肥  
解纓拂樹弄清淺橫榻掃雲飛  
翠微人生事不如意終日念歸何日歸  
悠：東去欲何之草：西還可是歸  
殘日雨竿荒戍遠青山滿眼故園非  
江田經雨菰蔞熟石路無風蠛蠓飛  
回羨耕夫閑勝我早收雞犬閉柴扉

送歷陽潘司戶瑤移令歸東魯

已巳八月賦

衰俗紛：務近功幾人心跡与君同  
位同州縣青

衫列踴躍聖賢黃卷中牛渚江山空  
夜月河陽桃李再春風相望魯衛無多  
遠異日能尋賣藥翁

再送潘仲寶兼寄彭城文簡

已巳九月賦

風雨扁舟幸少留為君持酒話徐州  
白魚紫蟹秋初美戲馬飛鴻夢屢游  
二阮年來知健否李真老衣盡歸休  
白雲庄畔多閑地不惜橫刀直換牛

九日懷京都舊游

已巳石磧賦

昔年九日登臨處把酒梁王舊吹甚  
今年九日登臨處江上黃華珠未開  
一川落日隨潮下萬里西

風送雁來節物可驚人更老官情歸思兩悠哉

戲答張商老

九月

揚子江頭兩信潮送君西去木蘭梳依  
暮雨鴛鴦夢  
春風豆蔻梢  
細字碧牋隨雁到  
小簾朱戶抵天遙  
長安觸緒牽情地  
不特魂銷骨亦銷

題定山寺法遠上人壁

二月

支郎風味善相親  
乘興來尋雪後春  
夾徑竹陰疑礙馬  
隔江山色似招人  
豈無暇日容高卧  
如有閑田願卜鄰  
預約東城二  
三子歲時相過  
莫辭頻

自歷陽汎江至赤埭訪別曹解

庚午正月賦

我訪故人不待招  
滄江謂廣纔容舸  
離城五點寒更急  
著岫兩竿晴日高  
別來書尺正坐懶  
老衣鞍馬何堪勞  
明年淮上更攜手  
醉步卧虹千丈橋

再由赤埭有懷曹夢得

正月賦

江上顛風倒客檣  
江豚舞浪卷渾黃  
故人漂泊知何處  
何日平安到故鄉  
野色蒼茫春尚淺  
夢魂惆恍夜仍長  
可無百斛兵厨醞  
此段離憂未易忘

宿芥塘佛祠

壁間得魏湘平仲張士宗  
回所留字皆吾故人也  
庚午

三月  
賦

青：蕙麥欲抽芒浩蕩東風晚更狂微徑斷橋尋  
古寺短籬高樹隔橫塘開門未掃楊花雨待曉先  
燒柏子香庭許暫忘行役倦故人題字滿長廊

送畢平仲西上

畢字正直庚午  
五月歷陽賦

吟鞭西指鳳皇州好趁華年訪昔游新樣春衫裁  
白苧舊題醉墨滿青樓鳴鳧細雨生梅潤颺燕風  
高報麥秋須念江邊桃李女定從今日望歸舟

烏江廣聖寺虛樂亭

庚午  
六月

避雨孤蓬泊柳陰湖回溪曲稻花深有時白鷺窺  
魚下竟日青畫伴我吟酒敵無人情落莫雲鄉何  
處老侵尋誅節擬卜終焉計不為清風整解衿

烏江北道中作

庚午  
八月

寒麥田疇雪糝花莫湖洲渚水吞沙鳧鷖長作漁  
舟伴桑柘深藏老圃家濁酒縱賢誰与醉青山有  
價不容賒南來學得滄浪唱却著征衫袖馬搵

烏江泛舟寓目

庚午  
九月

滄江浩渺寄星槎望極空：兩眼花但是潮頭漲

木杪直疑山背落，天涯鷓鴣足信得。平生樂仲御尤，  
宜抵以誇僖父。慚非能賦手，漁郎若個是詩家。

遷家歷陽江行夜泊黃泥潭懷寄馮善淵

庚午九月賦

黃泥潭口檝征蓬，回指東城只眼中。半夜鳧鷖先  
覺雨，連江葭菼自生風。青燈解作無眠伴，白酒難  
招一醉同。從此相思處，便憑歸棹附詩筒。

檝舟當利港作

庚午五日

為問溪頭潮淺深，片帆長掛北歸心。夜風吹雪晚

皋

尤怒午日破雲寒，復陰江淮行役殊未已。京洛朋  
游安事尋何時，穩坐飽粗飯鼓腹東華農父吟。

放舟下江苗寄王元胥

庚午十二月五日賦

檣楫淹留已涉旬，小窗猶得酒相親。寒潮不應溪  
流澁，病客未行舟子嗔。揮手便分今夜月，斷腸先  
見隔江春。鳳皇臺上長回首，何處高城與故人。

興龍節日渡江懷寄二友弟兼示同行

元祐庚午賦

燕庭冠珮拜爐香，九釧紛。想定場江上烹魚猶

得信座中鷺雁已離行  
澆愁酩酊一尊酒破睡  
呀兩艫牀不特賦詩懷  
二仲故呈凡韻惱支郎

訪金陵王閑叟不遇留別

庚午十一月賦

歌成五噫債春者樂不二  
價奪牛翁裏俗何知貴  
公子清貧頗有昔人風  
君方上塚渡沔去我遠來  
舟投剡中差池相失重  
回首好住海鷗忘塞鴻

題金陵長干寺瑤

十二月賦

南國長干古佛祠浮圖  
駕瓦碧參差欲迨三閣  
登高作非復六朝全  
盛時簷角西風掛星斗  
墻陰寒

兩喙狐狸劫灰終換人  
間世石甃金棺好護持

題金陵天慶觀鍾阜軒

辛未正月賦

井

霞高廟御諱雲扉不著闕  
薨簷開處見人間  
斷墻廢共連

東第白塢青松對北山  
昨夜桂娥弄月去  
姪秋芝益御風還  
玉虛真籍家聲在  
再熟金瓶願一攀

再酬訥師兼簡清涼和上人

正月作

莫謂功名是了希  
定知求法不求衣  
此身於世百無用  
異日與君同所歸  
遮眼何關黃卷在  
安心更悟白牛非  
清涼有道年如掌  
豈比它方大鐵圍

阻風白鷺洲招訥上人

辛未正月賦

鳳皇基上鳳皇巢白鷺洲邊白鷺濤舟未解維先  
望見風能傳語更相招江南春物為誰好淇上歸  
心不自聊何日結茆鍾阜尾幅巾相對一方袍

晚泊長蘆有懷歷陽金陵朋好

庚午十二月賦

犀照亭邊兩艣催鳳栖基下片帆開龍盤席踞行  
遠矣牛渚雞籠安在哉無端鞍馬三年役有意尊  
鑪異日來尊酒故人誰待我故應風月尚徘徊

上巳晚泊龜山作

元祐辛未

薄算東風不滿帆遲遲未忍去淮南故園猶在北  
山北佳節可憐三月三蘭葉自供游女佩芸編聊  
對故人談洛橋車騎相望客曾為吳兒幾許慚

揚州叙游

辛未二月賦

迷藏九曲屬樵耕野草閑花故有情廢苑春風邊  
如許隔江山色可憐生新聲度曲復誰道古井酌  
泉聊獨清杜紫微靈定相笑青樓薄倖不知名

和錢德循書懷

辛未四月京師賦

吐嗟世与我相疎歲月推排負壯圖狂客大難兼

外監方回小得勝常奴胸中累塊亦何有南上替  
郵非所須徑買一舟歸自好五雲溪接當家湖

席上呈錢德循

辛未四月  
京師賦

棗華纂：棗葉肥老蠶起眠雖雀飛南鄰買酒勸  
行樂越客廢書歌式微式微：胡不歸明日會  
知今日非舊溪手種水楊柳長與秋風掃釣磯

士申上元有懷金陵旧游

瓦官大庭千步方燈如流螢月如霜高僧共禮旃  
檀像游女未赫薰陸香旧國破亡何物在少年逐

樂箇儂狂別來白社更牢落回首衡湘春夢長

送周允通昆仲官蜀

士申正  
月賦

周郎弟兄皆可人外朗内潤連城珍尊酒逢迎記  
梁宋聯驂行邁度咸秦寶雞道上冰雪晚金雁江  
邊梅柳春公暇樂游須念我青衫白髮倦京塵

夢游金陵設堂故基

燕堂遺址壓西州剪徑捫蘿出石頭老木駸太  
相逼連岡哀：欲東流歌鍾誰語前朝事風雨魂  
鷗別夜游夢境浮生更多病結節歸老信悠

寄清涼和上人二首

壬申十月  
京師賦

吾家無擔石之儲朝四暮三如有餘北岳官糧飽  
妻子南朝僧寺寓因書迎船春色情親我空馬京  
塵笑謝渠莫作江東步兵待翻狀端不為鱸魚  
南國風流百不存石頭今是恰孤園山連雉堞猶  
侵路潮送漁舟自到門方丈定容居士病貝多應  
待客兒翻懸知後日逢迎際桃李春風兩不言

寄李趙二友生

東風掠地百草青顛毛餘幾今星三長年嬰疾斷

還往無處避愁徒醉醒聯馬尋芳狹斜道街舟待  
月滄浪亭遙輸此興二公子漲海未應沈一萍

呈李之儀

癸酉二月賦

淹卧疲筋快曉晴屋頭相報鶉鴉鳴病侵老境可  
憐許春入故園何似生坐想蘭亭通曲水行聞上  
巳接清明三年強健陪嘉集定奪三觥賦不成

贈張之才

癸酉五月賦

夙齡垂耳慕飛黃晚歲相逢兩漫郎晚我青衫奈  
塵土誤君白首坐文章折腰僅厭米五斗滿腹莫

驕錢一囊多病勞生餘有幾買山築室願鄰墻

載病東歸山陰酬別京師交旧

癸酉十月賦

我家湖水接山溪載病東歸路不迷城郭依然遼  
海雀鷓鴣遊笑會稽雞可須印綬懷中出幸有珠  
璣袖裏携行賦漁歌寄親串春風吹渡淞江西

舟次淮陰呈邑令田望

癸酉冬至日賦

狂吟醉釣昔悠々衰病方諧散浪游蔬粥滿杯供  
我飽蘭舟繫岸判若苗塵埃古刹尋遺篆香火年  
祠謁故侯晚具不須烹赤鯉聊憑別後作書郵

高郵舟居對雪

癸酉十二月賦

天涯晚歲客無歡擁鼻微吟行路難三楚浮程波  
淼々五陵歸路雪漫漫兔園授簡心猶壯剡曲琴  
舟興久闌病骨支離仍禁酒漁蓑重緝待春寒

留別王景通二首

癸酉二月賦

早年放樂五雲御遠笑垣東佚少場憲也但負猶  
未病公乎非酒自能狂塵埃犖路春游散燈火僧  
窗夜話長後日相思枉減幅茱萸灣北付漁郎  
游宦差池大半生君方徑德我伶俜官銜轉落百

僚后衫色渾偷兩鬢青張掾官曹拋隸日向平家  
事汨餘齡相逢一段五城夢明發扁舟是浪萍

舟次廣陵懷寄京都交旧

癸酉十二月賦

朋游冠蓋滿京華病客東流迹自賒音驛未聞來  
日下隣牆不見亦天涯尚慚斗粟煩官廩已指扁  
舟是我家莫謂因風無可寄雪梅開遍臘前花

廣陵茱萸灣晚泊

癸酉十二月賦

冷雲拋雪未成花過埭冬風凍著沙荻浦漁歸初  
下雁楓橋市散祇啼鴉日聞南國鏡春事行先東

風換物華老病心情亦何有藥囊詩卷是生涯

題杜仲觀南康遺編後

癸酉十二月海陵賦

高吟晚節動江關自况孤雲豈易攀賦鵬一篇傳  
日下騎鯨半夜在人間知音誰復稱流水招隱吾  
方擬小山固有清風千古在不應空伴月明閒

慶湖遺老詩集卷八

五言絕句一百二首 六言附

感興六首

乙丑六月寓居壺城東禪佛祠有雛雀集於庭樹為青鷗搏而

食之余感而賦六詩

雛雀學翻飛不知毛羽微青鷗笑高樹待爾飽朝

飢 青鷗噉雀雛飫飽侮鳶鳥不知皂雕力拏殺北城

狐

皂雕獐鬣爪飛走披肝腦不知游獵兒必爾鞬上

老  
獵兒燕楚俗得意唯馳逐不知廟堂上坐飽萬錢  
肉  
廟堂擊鮮食日負天下責不知五湖上自有扁舟  
客  
扁舟彼何人國霸始謀身不知釣魚翁羞作故人  
臣

懷寄寇元弼王文舉十首

乙亥八月  
藍城賦

尊酒津亭別還城何所投無情是流水斷送到南

州  
右初別後

東軒美風月詩酒伴歡呼昨日墻陰過依二見碧

蘆  
右過碧蘆軒

小市門南路舊游聯馬行祇從前日別秋艸一番

生  
右出小市門

南京一登望朔雁正來賓好去長淮北殷勤訪故

人  
右登飛鴻亭

百步洪頭水秋霖一夜渾相携濯纓處無復履綦

痕  
右游百步洪

何處延明月東城百尺樓故人那得見後夜是中

秋 右登黃樓

不見西街客歸來即閉門胡床面南樹鳥雀啁黃

昏 右局中歸

暑雨茅柴熟秋風淮白肥留連阮校尉何日跨驢

歸 右招元弼

後夜溪山雪臨門望子猷莫因清興盡半道却回

舟 右招文舉

偶得悲秋句還驚舊社空中庭步明月朗詠與西

風 右賦後詩

馬上重經舊游

丙寅三月京師賦

淺東流宛溪當年罷酒分携認得橋邊楊柳春  
風幾度鴉啼

題惠崇畫扇二首

春雪霏晚梅抱枝寒雀穩穗墮下有人腸斷為

銜芳信東來 右梅花雪雀

塞南秋水波塘蘆葉蕭半黃直北飛來鴻雁端

疑箇是瀟湘 右秋水蘆雁

谷陳傳道五首

丙寅九月京師作以  
目送歸鴻難為韻

客子厭烹塵長街風眯目安得卧南陽清潭清寒

菊

游梁復歸宋南北更相送失得兩如何勞三不如

夢

游宦幾人達不如強健歸未容許書錦幾見仇緇

衣

聞有高秋興清樽醉飛鴻應悲故人遠薄晚面西

風

倒橐黃金盡方悲行路難桂薪炊玉粒可是樂長

安

擬劉孝勝詠安仁得果

丙寅九月京師賦

果盡猶招手車停更起塵固應持一笑先答近轅

人

和王文舉玉臺體

丙寅九月京師賦

南城空目送西館斷心期懸知今夜思明燈半下

帷

夢後聞蛩

絕  
籠燈耿欲滅  
枕下蟲聲切  
底許事相關  
煎人腸斷

寒宵嘆

丙寅十月  
京師賦

可憐明月光  
委曲照空牀  
自是元無夢  
更悲今夜  
長

春晚樓上

丁卯京  
師賦

楊華吹復盡  
春色但茫茫  
獨立西樓上  
持情向夕  
陽

和王文舉別館初夏

丁卯京  
師賦

薰風酣綠樹  
午日思黃鵬  
的  
羅窗夢西鄰  
可得  
知

和陳傳道秋日十詠

丁卯九月  
京師詠

近砌擲鳴籤  
長簷懸素練  
濕翅暝鴉啼  
高梧落寒

井雨

右秋

歸雲去悠悠  
長風來獵獵  
簷角兩長楸  
斜陽嫩黃

葉晴

右秋

病骨倦空牀  
曳杖閑庭步  
暗燭勻寒蠹  
迨思風

露夜

右秋

未捲半簾霜猶疑在庭月倚樹汲清泉疎風獵草

髮右秋

霜空出華月尊酒相對別夜後婵娟故人千里

外右秋

紛、脫柯葉哀、斷根蓬不待吹揚力隨風亦自

東右秋

宿雨塵霾靜寒原赤稷空臨風聊放目不為送飛

鴻右秋

擬從康樂公雙躡登山屐精夜宿天台披雲看初

日右秋

梅梁巢已空去此復何從勿憚歸飛遠冰霜不介

容右秋

不復怒飛聲朝雞得擅鳴娑娑猶有地媚竈畢餘

生右秋

和同行潘生悒、悠、二首

戊辰三月金陵賦

悒、復悒、愁眠成夢泣薄暮落花天高樓面風

立

悠、復悠、淚寄東風流所思悵何許西北齊雲

樓

長安在何許二首

戊辰八月  
歷陽賦

長安石何許疑是青天上  
短首遡西風溪雲斷人  
望

長安在何許疑在白日下  
徘徊天一隅華月生新

夜

懷寄清涼和上人二首

戊辰十月  
歷陽賦

不見江南客願聽江南鐘  
傾身度迳夜天寒多北  
風

試問江南客何時肯度杯  
多情是湖水每自石  
來

梅花寄清涼和上人

己巳十二月二十三  
日石磧戍北馬上作

石以城上客領取一枝梅  
何事春消息今從江北  
來

送僧法印智因西上

庚午正月  
烏江賦

十里長淮北東風破雪寒  
此行休問路驀直到長  
安

懷寄彭城朋好十首

庚午九月  
歷陽賦

元獨今安健音聲久潤疎早年傾蓋意白首渡何

如右冠三別五  
始再通問

努力張謀父躬耕老白雲無年儉足用此外奈何

君右張大寄聲有田  
居食不足之嘆

子仲安貧者毗陵久罷歸秋風一相憶賴有燕西

飛毗陵罷歸已以  
右劉四名士真諳宮

好在張居士雲龍寄夢頻西齋見風月連榻後何

人增右張十七間唐雲龍山居  
城西西極甚宏遠

希遠來彭澤聊為三迳資拂衣歸處命駕定何

時右董大名初登揖沛  
長是月解印去職

遠計陳傳道窮秋六罷官還驅款段馬吟雪向長

安右陳二先余之官  
下却計今已受代

不見會之久每思詩酒豪扁舟由甬上乘興可須

招右王十三期余  
罷官會甬上

子敏超龍級得官何處州他時趨洛下獨與士龍

游右王七名迹方第進  
士而表其兄子立

冠殊情何厚却筒數得書前春應上塚能訪酒家

無右冠十一應之每歲上塚道由  
京都必訪余於酒壚

試吏王文奉俄纏風樹衰明年道灘上為爾一徘徊

右王三姑調莘亭刑獄掾以家銀罷今抵喪京城

和錢德循古意二首 辛未五月京師賦

駕犁豈知耕布穀不入田大農坐官府百吏飽窮

年

淮漢南有箕岳象列三辰長司敷颺職糠粃居前

塵

送王西樞出鎮鄭圃八首

壬申六月京師賦

千載君臣會將圖不世功卷收天下福偏厚君扶

風

帷幄參神筭邊塵萬里清西藩聊偃息猶是一長

城

公論由來重高懷此去輕吾非厚知己感嘆此蒼

生

新書許從事校穴盪應空寄語征西將無矜獵犬

功

前日神州尹聲華掩趙張春風長有待難樹是甘

棠

未  
來暖西樞席斯民賴已多前春鳳池水四海漲恩  
波

門闌曳裾客皆自許人豪今日宸廷下誰知北郭  
騷

袞綉行將復沙堤百里東病夫雖老矣猶解賦幽

風

題海陵寓舍二首

甲戌正月賦

池上千條柳依三解占春自憐衰颯鬢不与物爭  
新

茅  
池上雪初消春鴉已占巢自憐流寓迹無地可誅

追和亡友杜仲觀古黃生曲三首

甲戌四月海陵

獲仲觀道  
編追和此

許  
朝為去山雲暮為還山雨誰謂物無情歡期不如

歡歸夜何其月照臨門別後夜待歡來開門但明

月

要知兩儂心等是它山石此誠不可轉彼情無自

入

京居感興五首

丙寅秋彭城陳傳道見寄五詩以目送歸鴻難為韻

尋和會之乙亥八月食貧京師復取手

壯圖可復道磬折營五斗負郭二頃田何時落吾

手

平生感激心炯炯徒自語塵埃五十弦難為齊人

拊

稠人致高位一二難遷穀驃騎彼將軍未應賢第

五

擾口塵籠下容身亦是賢橫屍道邊子共笑直如

弦

長言与短調誰謂高游藝漫賦芳草篇長安居不

易

和幽老郎官湖懷古五首

事見第五卷中丁丑八月江夏

賦

即官老辭華得命壽春碑奸賊餘靈在斯文是戮

辰

白也遭時網臨年放夜郎何妨去物遠當道橫豺

狼

昔人泯黃壤陳迹憂滄波劫火洞焚壞無如加句

何

杜守王明府吾知夫不凡解持餘酒哉一飲逐臣

饒

岑輔何為者當年唱不應名隨詩石在附驥西青

蠅

江夏八詠

丁丑九月采江夏陳迹未著於時者賦之以補郡圖經之闕焉

祖龍斫長劍昔道此南巡後挾雄鉞利湘川奈水

神

右唐劍池在頭陀峰頂相傳始皇南巡磨劍于此石亦存焉

孟公泣竹地今是布金園不保五畝宅非無百代

孫

右靈竹寺相傳孟宗故居也

高峽已為谷斯人如蛻蟬固應留寶刻信示當家

仙

右祖貫墓銘祖字子元：和乙卯年過吾宗家外監授丹及訣後六十年始化去壽九十甚詳後為瓦官殘子元墓指已空矣此銘今在天慶觀中

正一章

右舒元興榜舒依郝士美偏居江夏大和二年登朝方畫室去此將行題榜白于頭陀佛

祠之殿梁上至元祐中郡守王得臣始命李康年序其事而摹刻于石榜遂失所在

亭揭奇章榜斯民孰去思多慚羊叔子涕泗峴山

碑

右奇章亭在黃鵠山最高頂牛僧孺屢登燕於此後人因榜奇章云

南津趙陀石云是昔人舟長懷精衛志不礙長江

流

右趙陀石在鄂之南浦長十許丈高亦半与相傳昔人沈舟之所化也

西戎夕陽晴東城石鏡明有山名八字借作西者

橫

右石鏡亭黃鵠磯有石明瑩可鑑亭占其上榜為石鏡云八字山見戴洋傳

應龍者此去雷雨助騰昇旧穴潛蛟蜃風波橫要

津

右龍穴渡相傳有龍出于此今為津步

### 變竹枝詞九首

戊寅上巳江夏席上戲為之以代酒令

葉 莫把離檀楫江清如可涉但聞歌竹枝不見戲桃

隔岸東西州清川拍岸流但聞竹枝曲不見青翰

舟

露濕雲羅碧月澄江練白但聞竹枝歌不見騎鯨

客

北渚芙蓉開寒裳擬屬媒但聞竹枝曲不見莫愁

來

西戍長回首高城當夏口但聞竹枝歌不見行吟  
史

南浦下魚筒孤蓬信晚風但聞竹枝曲不見滄浪  
翁

勝槩今猶昨層樓棲燕雀但聞歌竹枝不見乘黃

鶴

危高宗  
庶諱歷江東江山形勝雄但聞竹枝曲不見胡床

公

蕙葭被洲渚鳧鷖方容与但聞歌竹枝不見題鸚

鵠

題畫卷後六言二首

年文煥物故二圖為他  
人有復見此詩錄之

元祐壬申京師為宗  
室令鼎文煥賦後八

蹇驢烏帽禪客落日黃塵故關已悔棄繻昔去更

逢挈履今還

右關路  
逢僧圖

結茅百尺荒臺杖藜一徑莓苔謝絕雞羣老鶴不

應端為琴來

右鳴琴  
召鶴圖

慶湖遺老詩集卷八

慶湖遺老詩集卷第九

七言絕句六十首

清燕堂

丁巳四月  
趙郡賦

雀梅噴二燕飛  
在得殘紅一兩枝  
睡思乍來還

乍去日長披卷下簾時

北園初夏

天氣清和樹蔭濃  
冥濛薄雨濕簾櫳  
芍紅半落生

香在向晚玫瑰架上風

秋風登城樓

己未七月  
逢陽賦

襲人風露覺秋初  
臨水高樓更雨餘  
天幕鮮明河影淡  
行雲流月兩徐徐

初見白髮示內

庚申三月  
滄陽賦

安能屈指計封侯  
西日東風見白頭  
信是色身非我有  
若論身外更悠悠

局中歸

庚申五月  
滄陽賦

心火成灰不復焚  
故園笑別十三年  
晚涼退食無餘事  
坐與兒曹挽紙鸢

野步

七月作

津頭微徑望城斜  
水落孤村格嫩沙  
黃州菴中疎雨濕  
白頭翁媪坐看瓜

和崔若拙四時田家詞四首

崔字至之庚申八月滄陽

鼓聲迎客醉還家  
社樹團團日影斜  
共喜今年春賽好  
纏江紅有象生花

野蔓牽花過短牆  
麥秋時節併蠶忙  
迎門老父延行客  
井汲清甘樹蔭涼

雞聲犬吠遠相望  
社酒登槽喚客嘗  
曉日清明陂

更聞風吹高麥蜜花香

晚雪漫：沒兔且滿杯立粥餉鄰家夜長少婦無

盡織一點青燈伴緝麻

西城馬上

辛酉正月  
滄州作

燭冷塵消過上元清明風日柳初繁偷閑偶到西

城陌喜見青山似故園

再游西城

二月作

柳條破眼已堪攀鷺下城隅水一灣後日重來寒

食近杏花林外見青山

東城送客馬上

辛酉二月  
滄陽作

向午孤煙起客檣一放春水兩鴛鴦漁童解唱滄

浪曲應笑塵埃馬上郎

魏城東

二月元  
城賦

短：宮墻見杏花霏：晚雨濕啼鴉欲將今夜思

歸夢憑仗東風吹到家

成安道中懷寄馮惟逸

馮字日休趙郡滄  
陽兩為僚友辛酉

二月  
賦

蒼面黃鬚過壯時欲投閑去兩難期人生自是無

根物南北東西任所之

李固道中懷寄杜邯鄲

辛酉二月作

西望叢臺百尺間車輪無角不知還大夫庭下長

無訟誰伴青堂整日閑

青堂在縣解中

僧居對雨二首

辛酉四月冠氏賦

簷雨濺二滴砌莎綠叢深處一榴花小窻隱几俄

成夢堪笑無功餽後茶

平沙四繞護城隄小雨經旬不作泥似與幽人慰

牢落一雙黃鳥隔墻啼

再涉南羅渡

辛酉八月賦是夏大河西徙遂可徒涉

滯水生苔沒馬蹄漲沙隱約見

胡甸切

金隄高功覆

久人無從末信東流不復西

金堤客舍望南樂城

八月作

黃流漫溢浸城根烟火依微日欲昏黍黍不登非

故罪居人猶得飽魚殮

過澶魏被水民居二首

八月作

帶沙馴畝幾經淤半死黃桑繞故墟未必鄰封政

如帝自甘十字九為魚

莫問居人溺與逃  
破篱欹屋宿漁舸  
中庭老樹秋風後  
鸛雀將雛奪鵲巢

離冠氏道中

辛酉十月作

別酒厭厭一據鞍  
遠林微雪迷漫傷心不似來  
時路柳擺東風絮作團

冬夜懷寄周文清郭天輔

辛酉十一月作

壁缸向滅硯生澌  
仰屋重哦旧卷詩  
懸想北園閑散伴  
青錢堆坐賭宮棋

病告中畬王錡見招

王字試之臨城故人  
也時駕馬亦病足壬

戊正月京師作

伏櫪駕駘伏枕人不應  
俱是厭京塵  
東城自有乘肥客  
白苧新裁探候春

艤舟廣津門外作

壬戌七月

采棘橋西七日田  
葵回二首鳳皇樓  
如何一葉扁舟裏  
載得離人萬斛愁

晚泊會亭

後日符離復捨舟  
馬蹄塵土入徐州  
只應明月曾相識  
伴我時登燕子樓

題承天寺竹軒

癸亥五月  
永城作

征衫初解就僧床  
惠我脩然一枕涼  
赤日黃塵畏  
途裡此君風味可能忘

柳枝詞二首

癸亥五月  
汲郡席上  
歌人楊  
柔出二白  
團扇  
永吉詩  
為作

方過清明雨後天  
回塘照影弄蹁躚  
深情擬屬風  
光主愛惜長條待少年

揚柳東風盡日吹  
柔條應自不禁持  
都門三月傷  
心地強半青  
贈別離

自衛還徐懋永城王氏園

癸亥六月  
月作

歸路塵埃懶著鞭  
北窗仰枕碧雲天  
柴桑此興無人學  
負爾清風七百年

席上分韻寄陳傳道

得懷字  
乙丑  
二月  
彭城作

忍穿布襪與青鞵  
困走京塵十二街  
擬仗飛雲寄  
招隱東風吹送落君懷

東平周村駟觀臨川吳公題

乙丑  
八月

頓轡揮毫墨尚新  
碧紗從此生塵可憐  
庭下長  
揚樹猶有清陰待路人

九月荅張謀父見招

乙丑  
彭城作

昨夜新霜滿菊叢起來何面對西風白衣送酒無  
消息賴有西鄰張長公

九日張謀父席上

浪竹低枝掃隙塵到簾清月欲留人西家一斛黃  
花酒沉醉吳音賀季真

早發斜溝道中寄王有元

王字會之有詩  
見寄云應無好

夢到彭城因此  
會丙寅二月作

處：春林有鳥啼恨無芳酒一尊携何緣復得彭  
城夢日：東風送我西

泊舟永城寄京都朋遊

丙寅閏  
二月作

正西千里是青門橋下春流帶雨渾想見旧游芳  
艸合有誰樓上与銷魂

將發永城題陳伯雋蒙軒

幾對春風把酒杯小舟臨發更徘徊四明狂客重  
來日庭下榴花開未開

京居暮春感興二首

丙寅二  
月作

閑坊矮屋遠人群晨鵲昏鴉亦厭聞無奈春風作  
多事滿庭花絮正紛紛

援三奔蹄与疾輪九街尋勝作狂人東風漫送朝  
來雨可奈長安自古塵

春夜對月

丙寅三月  
京師作

麗景門頭初月明清川燈火兩橋橫一身若許東  
南去何啻西風羽翼生

游尼門資福佛祠園

丙寅四月  
京師作

百根高樹挂凌霄鸚鵡飛來深處巢心喜他年有  
歸著白衣居士此誅茆

郊醉口號

十月二日  
作

丙寅元祐初年冬賀老因寓京塵中無心炙手權  
門熱曝背晴陽坐屋東

汴下晚歸

丙寅十一月  
京師作

隋渠經雪已流水乘興東游恐未能試問何人知  
夜永一尊相伴小窗燈

陳留道中

丁卯二月  
十九日作

強半春風掩戶庭出門唯見麥青三從來赤白歌  
桃李曾与何人伴醉醒

過曹氏園馬上作

丁卯三月

香風細：出重牆不見繁枝已斷腸知有行人卷  
簾箔卧看零落滿斜陽

和人傷春

入簾輕絮放依人夢後題詩欲判春從使相思解  
銷骨此情終未作黃塵

重賦京居暮春感興

怒風狂雨信悠悠收拾春華不少留只有柳綿吹  
未盡墻陰落泊伴人愁

送人朝饗裕陵

三年不見鼎湖龍弓劍塵埃玉座空白髮孤臣心  
斷絕滿山明月柏城風

登興國寺樓

丁卯五月  
京師作

恠槐風動綠鬢髻廊外風聞演梵僧怡悵無人共  
尊酒可憐明月最高層

李氏池上

丁卯  
七月

湖外西風吹雨絲半隨楊柳拂漣漪女郎偷折藕  
花去沙上鴛鴦睡不知

游莊嚴寺園

戊辰五月  
歷陽作

石榴花落小池青  
獨下平橋弄扇行  
蔽日綠陰無  
覓處不如歸去兩三聲

黃埭魏氏見江亭

戊辰七月

浮生欲寄酒杯間  
馬上誰容一日閒  
不是登高粗  
能賦老夫真負爾江山

題贈芥堂老僧遇來

戊辰八月  
應四作

歲計江邊二頃田  
不能多應世間緣  
柴門密竹荒  
松裏杯粥爐香六十年

菊塘馬上

戊辰九月  
烏江賦

壯圖忽忽負當年  
回羨農兒過我賢  
水落陂塘秋  
日薄仰眠牛背看青天

阻風小孤山晚晴作

丙子五月  
四日賦

小孤山下晚波恬  
妥墮青鬢玉鏡奩  
借與彭郎作  
眉樣西南初月正尖纖

題漢陽寓舍老妾

曾無沃若飽吳蠶  
腹蠶聊供啄木饒  
底事殷勤嗔  
元緒不應有意附炎

秋江晚望

丙子九月  
江夏作

黃蘆洲渚赤楓林，外殘陽疊嶂深。記得廣陵城裏市，董源橫障賣千金。

和吳達夫見過留題

丁丑清明  
江夏作

雀羅門巷不容車，杖履相過一試茶。後日相思會乘興，五雲溪上是儂家。

題詩卷後

戊寅三月  
江夏作

詩豈窮人窮者，工斯言聞諸六一翁。端慙少作老更拙，不廢汝詩吾固窮。  
慶湖遺老詩集卷九

元豐末年予始筮仕與

方回俱在彭城為同僚友自是一別聲迹不相聞蓋三十年餘矣政和甲午秋八月予還自京師過平江謁

方回披腹道舊相視惘然如昨夢耳

方回之詩予見之舊矣復出鑑湖集示余其辭義清遠不見雕繪之迹渾然天成殆非前日詩也下方回自少有奇才其器業足以自表於世意功名可必也逮今流落州郡不少振豈詩真能窮人耶

然公山數令歲歲所報不少於其言其漸入雅  
方回詩益工名日益高其傳不朽矣與世之酣秦  
富貴與艸木同腐者豈可同日議哉以此易彼可  
以自釋也是年冬十有二月庚申延平楊時書

宋故朝奉郎賀公墓志銘

信安程俱撰并書

信安毛友題額

公諱鑄字方回其先吳公子慶忌避公子光亂葬  
衛妻子散走越二人予之湖澤之田表其族曰慶  
氏漢避安帝諱改氏賀至唐有為陽穀令名知止  
者於方回為十五代祖其後北徙終止開封其後  
孝惠皇氏克配昌陵家世仍以才武顯曾祖維能  
左侍禁祖維慶東頭供奉官閣門祗候贈左千牛

衛將軍父安世內殿崇班閤門祗候贈右監門衛  
大將軍母秦氏贈令人方回幼孤立不羣濟良恪  
公克彰擇妻以女授右班殿直貧迫於養非其好  
也監軍器庫門臨城縣酒稅磁州都作院徐州寶  
豐監和州管界巡檢辭所當遷東頭供奉官封其  
母永年縣太君元祐七年學士清臣百祿軾薦於  
朝改承事郎請監北嶽廟監鄂州寶泉監丁母憂  
服除以宣義郎通判泗州遷宣德郎通判太平州  
管勾亳州明道宮再遷至奉議郎遂請老以承議

郎致仕時年五十八居二年從臣薦起之以故官  
管勾杭州洞霄宮遷承議郎賜五品服以顯其  
后族恩遷朝奉郎明年復致仕又六年七十四  
以宣和七年二月甲寅卒於常州之僧舍夫人趙  
氏前葬宜興縣清泉鄉東篠嶺之原至是以九月  
甲申塋公同穴方回豪爽精悍書無所不讀哆口  
竦眉目面鐵色與人語不少降色詞喜面刺人短  
遇貴執不肯為從諛然為吏極謹細在筦庫常手  
自會計其於室罅漏逆姦欺無遺察治戎器堅利

為諸路第一為巡檢同夜行所部歲裁一再過家  
盜不得發攝臨城令三日決滯訟數百邑人駭嘆  
監兩郡校吏不得指其私蓋仕無小大不苟要使  
人不能欺而用不極其才以老自古選易文階時  
薦者皆有大名且當路顧願為嶽祠吏退居海上  
三年乃復就筦庫元符靖國間除太府光祿寺主  
簿辭不赴卒請補外自去姑孰及告老再仕凡十  
五年不離宮祠吏觀其翫骸任氣若無所顧忘者  
然臨仕進之會常如臨不測淵觀視不敢前竟

疾走不顧其慮患乃如此與蹈汙險徼幸不為明  
日計者殊科有鑑湖遺老前後集二十卷余為序  
尚可考樂府辭五百首它文數百篇方回姓字聞  
天下其詩詞雅麗有古樂府之風讎書至了卷無  
一字一畫訛闕老且病猶捐不置云二子曰房  
承節郎監保州酒稅曰廩將仕郎二女皆嫁仕族  
孫男女五人政和間余居吳方回病要余曰死以  
銘諉公矣今年春病甚見余毗陵復理前約且曰  
平生果於退懼危辱耳今知免矣將葬其子又以

治命來求銘曰  
其進踏蹶若將越於谷其退若逝惟危辱是畏  
依隱傲世亦莫吾厲卒安其所是以無悔  
承前朝遺烈以既終曰真節士女節終其  
一公一畫皆關於且節節士女節終其  
天下其節同節終其節終其節終其節終其  
尚節終其節終其節終其節終其節終其  
日信終其節終其節終其節終其節終其  
終其節終其節終其節終其節終其節終其  
者嘗從訪公遺文曰先祖昔寓毗陵中間擾亂凡  
所著文編悉為虜酋携去獨巾箱有別錄慶湖詩  
前集在固假傳寫正其字畫訛舛而疑者因之又  
從趙氏得公墓刻併書於卷末庶知公之出處本  
末云軋道丙戌歲仲夏望日邯鄲寇翼令威父記

未云過前而汝滿中真望日昨神家真令適父信  
當勉力勤公莫使所書外卷末無味公之出處本  
前集本固知所處五其字畫皆於而錄者因之入  
所著天...  
元緒此心端不為封侯  
亭際高樑滿百圍不無山鬼此焉依呻叻為話當  
年事曾見將軍佩印歸

留題左顧亭二首

孔愉放  
龜之所

餘不亭下樣歸舟訪古懷賢百刻留辦得千金脫

賀公詩詞妙天下幼年每竊聞諸老稱其名章  
俊語今詞盛行於世詩則罕見余傳錄此編久  
矣意俟後集併為鋟木念未易得恐失回循迺  
以所積節儀折色等錢刻置郡齋頃為德清令

邑子以公留題左顧二絕相示嘗揭之亭上今

附載於是

紹熙壬子七月朔晉陵胡澄題

賢公嘗問世天下賦筆如蘇聞論去辭其文章

羊車曾馬路陳風日

身錦衣日舞百圍

云語九

餘不身

世

慶湖遺老詩集拾遺

鑑湖遺老集序

鑑湖遺老詩凡四百七十二篇其五字八句詩鍛煉出入古今為集中第一其餘大抵名家作也余少讀唐寔錄與會稽石刻見賀季真棄官本末方開元天寶之交天下號無事文學士見貴重季真出入禁省冠道山友儲副極當世華寵然一旦不顧去為千秋觀道士使人望之超然如云漢登秦望行剡川未嘗不悠然遐想也季真去後四百二

十載建中辛巳歲始識其孫方回江湖上蓋鑑湖  
遺老也方回落，有才具觀其詩可以知其中  
間罷官錢塘及通守兩郡輒謝病去為祠岳吏又  
一旦挂衣冠客吳下窮達雖不同其勇退樂閑故  
有鑑湖餘味然余謂方回之為人蓋有不可解者  
方回少時俠氣蓋一座馳馬走狗飲酒如長鯨然  
遇空無有時俛首北窓下作牛毛小楷雌黃不去  
手及如寒苦書生方回儀觀甚偉如羽人劍客然  
喜為長短句皆雍容好麗極幽閑思怨之情方回

慷慨多感激其理煩治劇之方疊，有緒似非無  
意於世者然遇軒裳角逐之會常如怯夫處女余  
以謂不可解者此也余竒窮翫骸可憎方回多交  
游乃獨以集副授予曰子好直美惡無溢言為我  
詳而叙之此亦豈其不可解之一端耶  
政和三年癸巳歲十月朔信安程俱叙

慶湖遺老詩集拾遺

古體一首

荅僧訥

守訥鄭氏子字敏中三代第進士訥六西至禮部既壯祝髮事師圓照本公庚午十二月相遇於金陵以長篇見投其自叙如此因荅之

唐代衣冠高四姓天宗之亞榮陽鄭不墜家声五  
百年桂籍相望三葉慶上人猛謝區中緣破冠投  
櫛還童顛寸灰已滅五經笥來入辯才無礙禪我  
竊官粮衆人後相逢宛是平生舊一聞南國白頭  
吟方媿西風碧雲陋老終辭雞鶩羣誰將斷綆

絆浮雲他日傳衣度梅嶺解留何語与將軍

近體長句五十八首

登海陵齊雲樓 甲戌三月作

樓外浮雲何可攀聊持樽酒共銷閑歸心歛起登  
臨際春色未從想像間晚雪晴時見芳艸滄波盡

處欠青山長安桃李行應好解笑劉郎底未還

酬別曾忱 曾字誠之嘗任共城尉相聞蓋久而未始相際甲戌二月曾自

通州放還邂逅於海陵將行為賦是詩

昔年室迩嘆人遐少日相逢別日賒聊寄歸心天

北鴈會乘高興斗邊槎雷驚白晝龍蛇起風蕩青

春艸木華誰念渠伊獨憔悴豈容平世賦懷沙

送張師常之官南雄 張累官嶺外結婚於海陵目識之甲戌三

賦月

爰居曾證海西頭紫鳳來皇二少留持酒一樽明

日別題詩幾處旧年游春風白芷江南岫暑雨黃

梅嶺上州却望衡陽千里遠懸知無鴈託音郵

送方安行之官高密令 方字必中有通籍休官之志甲戌三

月海陵席上賦得童字

平世功名輸阿童束書洗劍棲漁蓬晚交東武百  
里長想見相廬三拜風白雪與闌吟社遠綠槐陰  
合訟庭空他年朱紱指東道試訪釣鼈浮玉翁

送江与京歸山陽

江字茂宗甲戌三月  
海陵席上賦得山字

山陽澤國四無山百雉危城兩水關楊柳遙知紫

極路滄波長羨白鷗閑病來藥裹為吾累丹畫漁

舟送子还夙月異時何限思區々併入尺書間紫極

宮在郡城西南隅  
楚人游觀之地

海陵書事

甲戌三月  
月賦

海濱流浪胡為乎況復支離百病餘三月逢梅識  
春色半年無鴈託歸書老烏啄屋瓦呼鬼野艇橫  
門米換魚回首揚州纔百里畫橋風月可憐渠

聞鶯有懷故園

甲戌四月  
海陵作

海陵春後雨冥冥耳厭鼃嗥鶴齒鳴何意東亭好  
風日流鶯忽作故園聲故園千里常牽夢老病三  
年不廢情想見楊花收卷盡綠苔池院落朱櫻

海陵西樓寓目

甲戌  
四月

天涯樽酒与誰開風外徂春挽不回掃地可憐花

更落捲簾無奈燕還來  
王孫莫顧漳濱卧  
漁父何知楚客才  
強策鴛鴦筋  
懷故國浮雲千里思  
悠哉

寄興化黃主簿杞

黃字原禹少年奉道世味薄殊甲戌四月海陵

賦此

何準第五不足稱  
黃童無雙非自名  
卑棲鸞鳳安初任  
葆練龍虎希  
長生明月高吟紫  
芝曲紅塵先老白  
雲兄莫辭一力走  
三舍遠未能來頻  
寄聲

海陵喜雨

甲戌四月晦日賦

閏年四月之相交  
旱天雲物何蕭騷  
清風捲地換

塵世白雨入林翻  
海濤殊勝農兒踏  
車健少寬病夫揮  
扇勞須晴徑買一  
漁艇想見橫塘深  
半篙

食鱒魚

甲戌閏月有人饋此因作

雨長沙田三尺蘆  
截江邏釣待嘉魚  
上釣一尾誇先得  
下筋千錢忍棄餘  
倦客罷彈腰下鉞  
故人忘寄腹中書  
知機何獨張生翰  
不俟秋風已起予

初得尾直千錢

鱒魚

題海陵寓舍四首

甲戌閏月賦

藜藿荒庭微徑通  
支撐破屋古池東  
暮涼百燕抵

突雨晝靜一蟬饕餮風隱几敢希南郭久移文方  
謂北山空森然槐柳相差地它日低徊憶箇中

其二

近徑籬根歌蟋蟀向明屋角網蜘蛛黃葵紫萸雨  
張王二字並去聲花蚊白蟻風驅除輾轉猶憎夏夜久  
支離何堪春病餘預愁還作舊年調兩眼京塵懷  
鏡湖

其三

倒障開窓面曲池塵襟初喜豁然披清風殊不去

人遠明月端能与我期鼓吹青鼉聊自喜歌謳白  
鳥漸相欺紛紛利害朝昏出閉目忘言是住持

其四

千里家園安在哉羈棲猶喜占池臺酒非從事斷  
年別風是故人彌日來黃鳥綿蠻紫椹熟白鷗澆  
爵綠萍開頗知老子機心廢留得渠伊興盡回

聞蘇眉山謫守英州作

甲戌五月  
海陵作

嶺首登臨楚粵分披襟先喜得南薰座隅鵬鳥敢  
要聲賦溪下鱣魚知畏文酒洗黃茅瘴時雨嘯驅

碧落洞中雲高才何假江山助未擬區、詠五君

寄金陵和上人

前歲常以二詩寄和有卜居之約久未見報甲戌五

月海陵再賦此

舊年問米欲東流先賦新詩寄石頭赤鯁久沈江

上信雜懸誤落海邊州想君道眼遙相識顧我官

身可自由香火因緣知有在草菴蔬粥不他求

許永席上賦

許字子長家釀甚美名十八仙時余抱病節酒而懽亦同

之甲戌中元日海陵作

滾浪江湖跨兩年西風猶駐木蘭船可人方外二

三子与爾樽中十八仙處士妄同公子議麴生未

減索郎賢自憐衰病方轟飲也在劉家幕下天

酬別道師許自然

許山陽人嘗為郡道正後補茅山都正懷土北

歸寓紫極宮將謀西上求試所學以詩見授因酬之乙亥正月山陽作

早暮浮雲恥繫匏冷然風馭起三茅青著可種無

閑地黃鶴歸來失舊巢石鼎頗傳驚俗句醉圖未

免取僧嘲何須西望長安笑誰是平生莫逆交

題任氏傳德集

任中立承制既死交親賦詩弔其不遇者凡百人集

而名之曰傳德二子廣靡亦有學術乙亥三月与吾相際於永城求吾一詩為賦

釣魚公子學屠龍  
漁倒西班八品中  
鼠目獐頭登要地  
雞鳴狗盜策奇功  
儀刑拔士無光祿  
經術傳家有聖童  
慨想斯人安可作  
九原松檟幾秋風

送周開祖出守鄱陽

乙亥六月  
京師作

三尺京塵袞中略  
無閑地貯清風  
鱸魚菰菜經年別  
皂蓋朱轡一日東  
俗眼強分青白在  
芳樽未覺聖賢空  
鄱陽不乏江山助  
高興都盧屬謝公

贈僧彥

彥字純老  
庚午冬余泊舟秦淮屢  
再由金陵泉公化去已  
累月賦此詩以示純老

昔年杖屨幾相從  
同遇彌天漢上翁  
早恨揚舡南浦別  
俄驚掃地北山空  
壯心脫落浮雲外  
病骨支離夢境中  
賴有西巖旧桃李  
異時應許共春風

秦淮官柳二首

丙子四月

秦淮西潮西復東  
淮邊楊柳酣薰風  
送春白花去漠漠  
日黃鳥啼忽忽  
陶彭澤多倦官  
嘆桓琅琊今衰病  
翁此身會復有健  
日擬就綠陰橫釣蓬

其二

西來載病一扁舟  
建業江山負勝游  
楊柳經眠方

自得蒲帆臨桂復遲留長條似舞前溪曲卷葉宜  
翻出塞愁想見南朝旧人物可憐能個樣風流

和別清涼和上人  
和結西菴和吾歸老故  
有落句丙子四月作

明朝解携白鷺洲後日相望黃鶴樓建業水清供

白酌武昌魚賤足音郵著身物外不無處俛首人

羣非有求願報西菴落成會待公退卧儂歸休

重別和上人  
和以余扶病之官臨分眉涕  
余因留旧寫真以結西菴之

緣丙子  
四月作

分手風波路幾千侵尋老境百痾纏一官得飽六

勞矣大士忘情獨法然北道音塵長斷望西菴香

火不無緣是身脫使先朝露固像聊依十七賢

留別彥上人  
丙子四月  
金陵作

道人臨別重留連應念吾生汨世緣柱笏者山猶

故態量船載酒異常年興來不計遠千里休去何

須持一錢會作清涼老菴主兩盃分粥對床眠

留別王閑叟  
王方閑課誦佛  
書丙子四月作

婆娑晚景未知還邂逅故人增厚顏次道志包宇

宙外子年身寄江湖間一乘妙義想水釋九死餘

生非石頑敢負清涼阿師約西菴先辦十年閑

烈洲守風

丙子四月

張帆早發石頭城淹泊風波百里程白芷汀洲潮  
進退黃梅村落晝陰晴官糧牽迫少休日藥物扶  
持多半生深閉船扉謝漁老自慚塵垢滿襟纓

晚泊三山懷古兼寄歷陽朋游

丙子四月

三山春水拍江流六代餘風掃地收破國龍驤復  
安在賦詩宣城難與酬傷心遠官北宗老滿眼舊  
游南豫州寄聲好住數君子一別相忘風馬牛

晚泊東采石磯

丙子四月賦

謝衛將軍憐苦吟袁臨汝郎遭賞音風流人物豈  
如昨形勝江關留與今控鯉直思凌浩渺然犀何  
假照幽深莫招捉月翰林老屈曲塵間猶陸沈

樣舟姑熟溪

丙子四月賦

潮來姑熟半篙深帆落溪口檣如林謝氏青山失  
故井桓卽白苧無遺音良游躡屐負登覽衰病伏  
枕方伸吟箇中二頃了吾事惆悵十年懷此心

蕪湖王敦城下作

丙子四月

斗立孤城日四圍  
賊奴曾未懼天威  
風生虎帳射聲厲  
塵犯龍顏魚服歸  
首揭大航遺莫在  
歌流樂府旧音非  
當時不慕桓文奔  
艸滿中原胡馬肥

題皖山北瀕江田舍

丙子四月作

江轉皖公山北流  
蕭閑人物美田疇  
一溪春水百家利  
二頃夏秧千石收  
小市竹樓張酒旆  
平橋松島蔭漁舟

莫知農老何為者  
幾葉傳封樂國侯

晚泊小孤山作

山与澎浪磯相对  
沐猴賦占其上  
丙子五月賦

是晚大風

江勢東南陡折回  
西山屹立地維開  
顛風裂石轟雷下  
駭浪澎舟捲雪來  
捫蝨王孫初睥睨  
飽魚烏鬼但毳毼  
物情豈識忘形樂  
嘯倚檣干獨快哉

得周元翁蘄春道中書

丙子八月漢陽作

離々赤棗墻東林  
開窓下榻依墻陰  
杖藜相顧賴之子  
隱几忘言知我心  
晚契初逢一東野  
清詩屢擲雙南金  
官身為米自南北  
世路止羊無古今  
夢澤草荒孤驛遠  
洞庭雨入滄江深  
相思何以祝高韻  
桂樹秋風吟玉琴

送漢陽刑獄掾鄒永年解官歸養

鄒字天錫其父

以朝散郎告老因補此官会有大臣荐其文

再起

起造朝天錫復落仕籍將行求吾詩丙子

高歌每憶故山薇  
笑擲青衫換綵衣  
竟為蒼生安石起  
本來男子次君歸  
脫冠珥擢與非淺  
戴笠乘

誓莫違明日渡江聊贈別武昌宮柳尚依依

登頭陀寺峰頂菴

丙子八月江夏作

磴道凌虛挂白虹  
頭陀上方黃鶴東  
滄溟五夜浴新日  
老木三伏來淒風  
北夢南雲展張闕  
縱江橫

漢并吞雄楚鄉絕境此其一付与微吟多病翁

九日寄維揚劉明仲

劉字冲光淮南故人也丙子江夏作

楊舸瓜步背瓜洲  
底处孤亭是玉鈎  
蠟燭有心啼別夜  
布帆無恙到南州  
黃華嘉節与去何事  
白髮故人分取愁  
賴有滄江知客恨  
長年西北望京流

江至鄂渚即西北流

江夏秋懷三首

丙子九月作

陳物紛然眼界中  
長年何与去  
偶書空滄浪  
難為俗子唱  
絳漫催貧女工  
夙月少容休  
吏役烟波

常与济途窮功成身退非吾事猶辦扁舟東復東

其二

人物駁尋迫暮遲秋風萬里來如期幽蟲切、竟  
何道羈燕忽、將安之洛下微吟聊擁鼻西山爽  
氣為支頤肯將翰墨流落寄語三閭彼一時

其三

此身豈復繫西東流浪江湖伴塞鴻曲突非園三  
爵客直鈎何羨六鰲翁千年陳迹祇今日萬里故  
園猶箇中冗散偶逃人指數未應冷嘯坐妨公

書國志陳登事後

丙子九月  
江夏作

求田問舍良可嘉元龍偶未思之邪黃鼠長為太  
倉耗白雲猶有青山家人生歎爾待鑽石世故紛  
然勞筭沙銷磨解肉六何事竟作子陽同井蛙

寄別秦觀少游

秦南迁桂陽舟過沔上隔  
江不及見因寄是詩余三

為錢官丙子  
十月江夏作

沔陽湖上小留連疑是前時李謫仙流向夜即纒  
半道徑还江夏樂當年箇儂生以木為累阿堵官  
於老有緣待得公歸吾亦罷春風先辦西漁船

潘函老出十教詩皆有懷蘇儋州者因賦二

首 丁丑四月  
江夏作

人烟寂絕鬼門關更指儋州香莽間三四月交天  
漏雨東南地盡水浮山依迷春艸鴿原失響像秋  
風鶴馭還回羨河陽賢父子雪堂曾伴十年間

其二

舊隱江城東復東堂前楊柳村春風猶傳白雪興  
中曲俄失黃梁夢後翁僊耳吉音無雁使蛾眉爽  
氣屬祖公不應更廣窮愁志悟取平生坐底窮

有僧自峽中來持黃黔州手製茶兼能道其

動靜與潘函老賦二首

豫章人聚白金十  
餘斤以寄魯直付

一士子竟隱之不送故有黃  
犬之句丁丑五月江夏作

未聞東觀奏書成俄見西南萬里行從坐何閑李  
都尉補亡猶待褚先生心懸黃犬沈來耗耳慣青  
駒祇日鳴時節私庭羞自慰鳳將雛去雁隨兄

其二

平生得祿僅榮親持底天涯料理貧夜戶不閑無  
長物晨炊待火乞諸隣山獮頗俠能來虎水弩何

知枉中人少減家園舊年調携籠先采雨前春

中秋日懷寄潘函老

潘將歸黃岡獲田故有落句丁丑江夏作

西戎角聲清且哀東城鼓動殷然雷雨闌伏檻月

可待風橫聲樣舟君不來得酒未容歡獨伯把書

端与睡為媒雪堂斂轂急还舍更約頭陀黃菊開

重寄潘函老

丁丑中秋以少酒欲致潘來會云特親燕甚歡翌日再賦

寄此

輕舸葦水帆如弓一伸臂頃來江東聊持美酒致

吾子方事絲衣娛汝翁懸榻可容他客坐閉關正

与無月同風興行樂竟何有醒陰晴皆夢中

潘函老以長篇求假吾書以副本送之

丁丑九月江夏作

元凱有言君盍知借書还書皆可嗤家傳五載六

勤矣吾与西雛當共之吏役豈容方外駕古人端

在箇中期聊分副本天随子輯綴來歸是一奇

示王泌

王歷陽之舊也相别八年會於郡渚憐吾衰病因以示之丁丑賦

遠離南北幾星霜短髮蕭蕭帶天長執戟郎効官

落拓楚丘生觴緒悲涼渡鳧乘雁誰比数拉虎批

熊猶健彊端恨養痾妨廢酒樽前都屬箇儂狂

答致仕吳朝請潛登黃鶴樓見招

吳字達夫與吾

為忘年之友兼示慎猷玉故有落句丁丑十一月作

城隅黃鶴莫登臨端使悲翁動楚吟目下長安人共遠天圍夢澤歲方陰北風欲雪雁飛急南渚始冰魚伏深誰似艸堂安隱客下帷隱几不求心

雪後同吳達夫慎猷玉登黃鶴樓

丁丑十二月作

歲律崢嶸臘盡頭風吹朔雪到南州三湖簸蕩蛟鼉七澤迷滂沱免愁狂客定回青雀舫獵兒初

試皂貂裘江樓伏檻迎新霽犀玉釜前練帶流

曹永州哀詞

曹名暉字季明首相際於永城喪過武昌歸餘杭卜葬靈

隱山諸子來求吾詩為作此戊寅二月旦日

老眼春風雨淚傾總惟樽俎異平生可驚人與琴俱絕但見耆晞酒復清相合水邊傳美政飛來峰下啓佳城翩、五六奇男子肯使高門墜厥聲

登黃鶴樓懷古兼寄潘幽老昆仲

幽老弟大觀字

仲達戊寅五月作

漢大將軍楚國材半生倦韻晚塵埃徐夫人七首

安在丁令威華表歸來紫府無蹤勞彷彿白雲有  
待久徘徊樓標空濶天垠露川勢縱橫地軸開隴  
鳥賦成洲共永越人歌斷權先回會招物外二三  
子長嘯披襟挹快哉

寄武昌方令臨李尉援蕪簡苗岡二潘昆仲

方字孝能李字文奉  
戊寅六月望江夏作

好在桐江三拜翁謫仙之裔好應同如  
花縣西  
郎子吳茂能來一水東共醉南樓故時月  
斷無度  
令浼人夙季真老病不堪酒澤畔微吟懷四儂

二月二日席上賦

乙亥江夏作時推官陳  
扶將之荆南法曹萬謙  
彦亨罷官歸鄱陽余亦抱疾此詩偶止去康  
辰十月邂逅同席客復得之因附卷末

仲宣何遽向荊州謝惠連須更少留二日舊傳挑  
菜節一樽聊解負薪憂向人草樹有佳色帶郭江  
山亦勝游載酒賦詩從此始他年耆老話風流

七言絕句二十首

斗峴山馬上

戊辰九月  
歷陽作

西來投策倦躋攀晚葉寒華一逗間盡日閑雲不  
留雨斜陽還照隔江山

留雨登如方山

戊辰十月  
歷陽作

楚郊十月尚聞蟬  
傍道黃花亦可憐  
特上西山最高處  
長安應在夕陽邊

渡冷水澗投宿萬歲嶺

戊辰十月

蕭蕭黃葉一清溝  
白鳥飛來故少留  
今夜行人短亭宿  
小窻風雨夢漁舟

重游寄老菴懷僧芝

戊寅九月望日與僧  
洪芝同游芝有詩云

淡游聊得慰孤悶  
誰問當年寄老心  
後月許日復為是游  
芝公西上已達京都矣  
淡游已恨失芝公  
陳躅空留夢境中  
欲問孤雲何處去

庭前雙樹自西風

寄有捷上人

捷鄱陽人嘗任杭州安樂山

留七日稅舟西上  
己巳三月有書見寄  
因以此譔之四月望日烏江作

捷也當年避畏途  
寄身一葉泛隋渠  
定須慚愧操舟子  
千里風波汝渡吾

晚晴西郊馬上

己巳九月  
歷陽作

夜雨蕭蕭徹曉聞  
不應為我掃塵紛  
弄鞭十里西郊道  
但見青山納白雲

重游梵行院

己巳十月

曉度南岡五里松精廬未見已聞鐘  
門前拂地垂楊柳掃淨秋來過馬蹤

同張漢求宿升中院西寮

己巳十二月  
烏江作

僧閣窓扉學畫船青熒燈火對床眠  
北風帶雪披簷竹渾似瀟湘夜泊天

送僧法印志因西游京師

庚午正月  
烏江作

刻雪裁冰物外人強隨肥馬走京塵  
未應無地栽桃李江北江南一樣春

重游鍾山定林寺

辛未正月  
金陵作

破冰泉脉漱籬根壞衲遙疑挂樹猿  
蠟屐舊痕尋不見東風先為我開門

題賈氏廢園

辛未二月  
京師作

丞相園林半手栽清樽曾為幾人開  
菜糠野蕩換桃李慚愧春風如故來

東城馬上

壬申二月  
京師作

綵虹橋下水關東接畛園林狹迢通  
繁杏半開隨半落短墻無計礙春風

重送曹誠之兼簡俞澹陳庚

俞字清老陳  
字敏善皆維

揚故人甲戌  
三月海陵作

春風漠漠老江離行矣騷人  
自持半百幻身如  
且健石頭城下兩茅茨

其二

陳顛俞散舊朋游樽酒相從定少留  
衰病故情猶  
有在春風一夜夢揚州

平野堂重送江茂宗

甲戌三月  
海陵作

東風南浦雨瀟瀟欲去行人不自聊  
誰道垂楊板  
折苦過春猶有最長條

追和杜仲觀詠蝶

甲戌四月  
海陵作

黃蝶尋花日百迴  
荒庭多雨漫莓苔  
老狂能似微  
之輩借宅猶應乞竹栽

題芭蕉葉

甲戌  
五月

十畝菜池漲綠萍  
南風不見芰荷生  
隔窻賴有芭  
蕉葉未負瀟湘夜雨聲

留別僧永

乙亥二月  
盱眙作

三處分携跨兩年  
浮雲生計本悠然  
江山勝地端  
相待大有東南未盡緣

折中倉觀米元章題字

時米客揚州乙亥六月京師作

銀鈎入木揜鍾王拂眼清風識楚狂淮海京塵兩  
流落与君大是覺身妨

放舟過津門外作 乙亥十月

國門欲去尚遲遲况復淒風落照時猶有京塵全  
舟尾惱人無幾度元規

### 慶湖遺老詩集拾遺

### 後集補遺

廩伏讀前集序云自己卯歲嗣有所賦別為後集  
所謂後集以經兵火散失不復得有近搜故藁所  
遺及於佛祠廟宇題詠洎碑刻鐫勒并士大夫親  
戚傳誦得其一二皆此集中無者故續書卷尾為  
後集之補遺廩老矣不復得全其集後之子孫續  
有得者當綴其末

後集補遺

黃山席上別當塗僚友

自昔有宇宙便應有此山如我与君者幾輩來躋  
攀聲迹兩磨滅寥々千古間短生一浮漚妄比金  
石頑五福人所願九齡神所慳著身名利場寵辱  
如循環不見倦飛鳥翻然亦知還酒闌解袂去老  
矣逐投閑

右見遺藁

九日雨中作

九夏赤旱百井枯三秋積雨釜生魚凌高徑醉不

易圖問底黃葉今有無願致皎白來庭除昏瞳爛  
卷勤卷舒管中一班聊自娛未羨北里鳴笙芋少  
日用壯膽力為六鰲可取負而趨誰謂衰遲百病  
餘雀鼠入屋不受驅長鉞長鉞歸來乎泥深沒蹕  
行無車咄嗟蠟屐非雙鳧安得翩然過故都

右見遺藁

送何安中之官新安錄事

帶郭荒山百匝牢躋攀幾見病猿獠官糧可數纒  
雞肋吏事懸知倍馬曹芸閣有書行且召萱堂須  
養未容高慶湖老子何堪別隱几僧坊更窳寥

送時適歸彭城兼寄王會之并張白雲

壯年客宦樂徐州五見黃花戲馬週無復登山拋  
舊屐不堪臨水送歸舟東城公子猶三選南墅先  
生久一丘為話吳門非樂土鱸魚菘黍漫淹留

方明古免喪西上山陰賀鑄方回以詩送行  
非敢贈言聊書美志

西上遲誰挽留了君方寸慕松楸三年既盡亦  
當起五斗有餘非所求早歲向風勞企羨殘生指  
日願依投得官倘近柴桑里應許江邊著釣舟

清明病中

寒食晴暘少江南此候同  
侵晨潑火雨薄暮駕潮  
風目力書籤上生涯藥裏中  
可憐佳節物似不繫  
衰翁

題葉翰林道卿手書唐人唱和集後

翰客文房萬卷餘  
詵翻是蠹書魚載薰載曝徒

為爾秦築長城錯備胡

已上俱見遺藁

題項羽廟三首

分張天下付羣雄  
回首咸陽捲地空  
六國三秦隨

擾攘錦衣何暇到江東

楚都陳迹久灰埃  
一曲虞兮尚寄哀  
不作偷生渡

江計可須千里更西來

三戶睚眦竟破秦  
君王武略世稱神  
途窮一夜無

遺恨挈首慙懃予故人

錢塘海潮

高岸如陵累石頑  
一支漲海橫中間  
九軍雷鼓震  
玉壘萬里墨雲驅  
雪山秦政維舟羞  
膽怯史遷舐  
筆恨才慳錢郎幾許  
英雄氣強弩三千擬射還

吳門秋懷

吳門客鬢再經秋城郭籃舁久倦游  
平靜松江三萬頃不應無處著漁舟

已上二首  
見遺藁

丹陽客舍示曾紆公袞

眼裏鉛華今日見胸中冰炭幾時除  
欲知老子消懷處靜夜青燈一卷書

右得於兩浙  
漕曾紆公袞

鑄年五十八因病廢得

官休致一絕寄呈姑蘇毗陵諸友  
求田問舍向吳津欲著衰殘老病身  
未拜

君恩賜剡曲歸來且醉鑑湖春

鑄六代祖廣平郡王在五代間久從

宣祖皇帝游因納女事

太祖皇帝封 孝惠皇后賜第在開封隆和里

當時

宣祖 太祖 太宗潛左郎中每喜飲臣家酒

後來鑄高祖六宅使嘗一日預內宴內有

旨宣索遂進舊酒并釀法就賜名鑑湖春

鑑湖先生酷志嗜書未老挂冠告歸滿朝榮慕

真漢之二疎也以詩卜居於姑蘇毗陵兩郡親  
舊和之者皆一時名公柄於

先生門下有姻契亦嘗作兩韻今豫登欲補完  
後集記錄以呈豫登倘不棄孤陋許以柄詩附  
先生集尾使晚生廁名於其間抑何榮幸也晉  
陵鄒柄德久詩云

清監風流賀季真先生端是昔人身如何未老  
催歸去要卧煙霞兩郡春其他名公和者柄失  
記

題毗陵僧舍二首

古寺相留跨兩年窮通出處固天然短檠燈火掩  
書卷屢聽芭蕉夜雨眠

秋風忽起家山意流落天涯歎顛顛古寺不挂褰  
瀛圖終南山翁何處至

右得於晉陵  
孫覲仲益

和題毗陵薦福寺紅梅

一種梅生禪老家屋簷古榦恣歌斜詩人莫訝深  
紅色可勝尋常桃李花

右得於晉陵孫覲仲益  
再得於僧非訥云從教

畫作深紅色絕  
勝尋常桃李花

吳江送客

送別松陵道輕舟助客擎湖空翦葭蒹市隘集魚  
鰕薄雨啼殘雪新潮蝕嫩沙鏡中羞杏颯行復見  
春花

右得於莊田郎  
官范雲伯達

題流香亭

秋色朝來已十分遠山清瘦露雲根芙蓉昨夜驚  
風雨葉三流香有淚痕

右得於范  
雲伯達

王迴子高挽章五首

我昔官房子長懷忠穆賢里無行馬第山有卧牛

阡當代三公後維君五福全銅官遠歸祔追舊幾  
潸然

卓爾金閨彦頎然玉筍班周旋三友益零落十年  
間輾轅靈輻動悠揚素旆還暮年懷抱應未辨  
追攀

蕭散竹林風平生略約同官班魏叔夜年輩晉安  
豐民詠濡須政朝推胸臆功九原無復作埋玉恨  
何窮

南浦維舟訪東堂抵榻眠後期猶指日輕別遂終

天墨妙今初貴詩鳴久已傳清風知未墜諸子更  
翩

已矣知無憾賢愚共此途白駒馳白日黃髮掩黃  
壚和氏終還趙干將不葬吳鴛病如可強猶擬真

生芻 右見王公  
治行集

約十客同集金山米芾元章約而不至坐中

分題以元章未至分韻作詩拈鬪韻應口便  
作滯思即罰巨觥余得章字

九客相逢思楚狂停歌罷缺緩行觴座中那更添

嚴令分韻吟詩招阿章 右得於將作監  
米友仁元暉

題秦觀少游寫真

淮海多才士徒希馬少游誰容老芸閣自識死藤  
州狀貌披圖爽陽春掩卷愁湛郎長鬣爾殊不嗣

風流 右廩  
省記

別王銍性之

吾老無北里子能詎南來臨分即間訣薄莫更徘徊  
晚節猶微尚方剛患多才此生南與北出處兩

悠哉 右廩  
省記

後集補遺

震澤葉氏藏書

始予讀公墓誌謂有詩二十卷而所得前集財  
 九卷竊疑其脫略以公自序如此且其孫所手  
 抄遂信之竭來邵陽因命鋟木既而有於公家  
 嘗傳卷之十者為余校讎果少近體一卷缺古  
 風一首絕句二十首又得之公子廩豫登補遺  
 二十七篇并程公之序錄以見寄屬瓜代之日  
 無幾不暇附益改作始目曰拾遺而亟刻之以  
 全其集云紹熙癸丑三月五日澄書

類別

編號

41706

冊數

1

售價

60.00

唐詩集後序

全集其云錄烈於三月五日登書

無幾不期而盡其故曰曰錄盡而後以

二十七日而終公之有難以見者為公之日

屈一首南陽校指生羽藏子慕齋登蘇齋

學書卷之十卷餘錄果少並歸一卷錄古

少卷錄其錄如公自序其且其錄其手

以卷錄其錄如公自序其且其錄其手

以卷錄其錄如公自序其且其錄其手



